

摘藻堂四庫全書薈要

經部

欽定四庫全書薈要

經部
儀禮注疏卷七

詳校官編修臣程嘉謨



欽定四庫全書薈要卷二千六

經部

儀禮注疏卷七

漢鄭氏注 唐陸德明音義 賈公彥疏

射儀第七

射之儀音義

射食夜反

○君有命戒射注將有祭祀之事

當射宰告於君君乃命之言君有命政教宜由尊者疏

釋曰自此盡西紘論射前預戒諸官及張侯設樂縣之事不言禮言儀者以射禮盛威儀多故以儀言之是以射義云孔子曰射者何以射何以聽循聲而發發而不失正鵠者其唯賢者乎若夫不肖之人則彼將安能以

中是其射容難故稱儀也注釋曰云將有祭祀之事當射者按射義云天子將祭必先習射於澤澤者所以擇士也已射於澤而后射於射宮射中者得與於祭不中者不得與於祭是其將祭必射也云宰告於君君乃命之者鄭意下云宰戒百官者宰先告君君使之戒乃戒即云戒百官是也云言君有命政教宜由尊者其經云戒射此戒亦政教之類故以政教言之也

宰戒百官有事於射者注宰於天

子冢宰治官卿也作大事則掌以君命戒於百官疏

注

曰按周禮大宰職云掌百官之誓戒此言宰戒百官其事同故鄭以天子冢宰言之也其實諸侯兼官無冢宰立地官司徒以兼之故聘禮云宰命司馬注云宰上卿貳君事者也諸侯謂司徒為宰是諸侯立司徒兼冢宰之事也言大事則掌以君命戒於百官者周禮大宰職云作大事則戒于百官贊王命是鄭之所引以證宰戒

之事也

射人戒諸公卿大夫射司士戒士射與贊者注射

人掌以射法治射儀司士掌國中之士治凡其戒令皆

司馬之屬也殊戒公卿大夫與士辨貴賤也贊佐也謂

士佐執事不射者疏

釋曰上文宰官尊總戒此射人司士色別重戒之謂若天官冢宰戒

百官宗伯大司寇之等重戒也注釋曰云射人掌以射

法治射儀者夏官射人文云司士掌國中之士治凡其

戒令者此司士職文云國中之士彼士總公卿大夫士

而言此射人已戒公卿大夫則司士戒士贊者唯有士

不兼大夫已上不同者斷章取義故與本職不同也云

皆司馬之屬也者射人司士皆屬司馬故云司馬屬也

此上下文所云戒者皆謂祭前旬有一日知者祭統云

先期旬有一日官宰宿夫人夫人亦散齋七日致齋三

日若然卜及戒皆在旬有一日是大宰云前期十日帥執事而卜日遂戒注云前期前所諏之日也十日客散齋七日致齋三日其天子又有天地及山川社稷宗廟諸侯直有境內山川社稷宗廟卜日及戒皆同也按郊特牲云卜郊受命于祖廟作龜于稱宮卜之日王立于澤親聽誓命又云獻命庫門之內戒百官也太廟之命戒百姓也注云王自澤宮而還以誓命重相申勅也王自此還齋路寢之室若然卜日在澤宮又至射宮皆同在旬有一日空十日故後日乃齋也

前射三日宰夫戒宰及司馬射人宿

視滌注宰夫冢宰之屬掌百官之徵令者司馬於天子

政官之卿凡大射則合其六耦滌謂溉器掃除射宮音

義

滌大歷反
溉古代反

疏

釋曰此宰夫戒是再戒之宿不云宿者辟下宿視滌何者宰夫戒是申戒下宿

是夕宿是以宗伯云凡祀大神享大鬼祭大示帥執事而卜日宿視滌濯注云宿申戒也皆前有射人戒是七日前期此宰夫戒是申戒又知宿是夕宿者以戒宿同文明不同日以其上云前射三日戒明此非三日是前一日矣注釋曰云宰夫冢宰之屬者按大宰云小宰中大夫二人宰夫下大夫四人屬冢宰故云冢宰之屬云掌百官之徵令者宰夫職文云司馬於天子政官之卿者小宰職云四曰司馬其屬六十掌邦政是也云凡大射則合其六耦者大司馬職云若大射合諸侯之六耦是將祭而射故使諸侯為耦若其餘射則卿大夫以下為耦也云滌謂泐器掃除者以其諸侯射先行燕禮宿視滌器明滌器是射器及掃除射官也○司馬

命量人量侯道與所設之以狸步大侯九十參七十干五十設之各去其侯西十北十注量人司馬之屬掌量

道菴塗數者侯謂所射布也尊者射之以威不寧侯卑者射之以求為侯量侯道謂去堂遠近也容謂之乏所以為獲者之禦矢狸之伺物每舉足者止視遠近為發必中也是以量侯道取象焉鄉射記曰侯道五十弓考工記曰弓之下制六尺則此狸步六尺明矣大侯熊侯謂之大者與天子熊侯同參讀為糝糝雜也雜侯者鵠鵠而麋飾下天子大夫也干讀為豳豳侯者豳鵠豳飾也大夫將祭於已射麋侯士無臣祭不射音義

參依注
音糝素

感反干依注音紆疏注釋曰云量人司馬之屬掌量道

五旦反鵠古毒反疏注釋曰云量人司馬之屬掌量道

故云司馬之屬也云侯謂所射布也者以其三侯皆以

布為之而以皮為鵠旁又飾以皮也云尊者射之以威

不寧侯者即梓人云母或若汝不寧侯不屬于王所故

抗而射汝是也云卑者射之以求為侯者射義云故天

子之大射謂之射侯射侯者射為諸侯也射中則得為

諸侯射不中則不得為諸侯是也云容謂之乏所以為

獲者之禦夫者此云乏周禮射人云容所以為獲者之

禦夫解容乏之義以其容身故得禦夫言乏天於此乏

置不去也云則此狸步六尺明矣鄭云此者陰破先鄭

案先鄭注射人狸步謂一舉足為步於今為半步故鄭

彼注亦引弓之下制六尺以非之也云大侯熊侯謂之

大者與天子熊侯同者司裘職云王大射則共虎侯熊

侯豹侯設其鵠諸侯則共熊侯豹侯彼畿內諸侯二侯

以熊侯為首此畿外諸侯亦得用三侯其數上同于天

子而非畿內諸侯所可比故於熊侯加大以別之然不
嫌於逼上者天子三侯則虎侯熊侯豹侯諸侯不得用
虎侯而以熊侯穆侯豳侯為三侯若畿內則但有熊侯
豹侯此其所以別也云參讀為穆穆雜也雜侯者豹鵠
而麋飾下天子大夫也者司裘云卿大夫則共麋侯此
則以豹皮為鵠以麋飾其側不用純麋是下天子大夫
也必知以豹為鵠以麋為飾者天子卿大夫用麋侯諸
侯卿大夫亦用麋侯竝據已家用之若助祭亦射君之
第二侯明君之第二侯用麋飾其側侯以飾得名又畿
內諸侯第二侯用豹為鵠故知畿外諸侯亦以豹皮為
鵠可知云干讀為豳豳侯者豳鵠豳飾也者亦取捷豳
意大夫將祭於已射麋侯者司裘云卿大夫共麋侯是
天子卿大夫以孝經云大夫有爭臣三人以有臣故將
祭得大射擇士鄭言此者以已射用麋侯又見助君祭
亦射君之麋侯云士無臣祭不射者孝經云士有爭友
不言臣以僕隸為友司裘卿大夫下不言士故祭不言

士大射若然士有賓射燕射不得大射雖不得大射得與君賓射故射人注不言士者此與諸侯之賓射士不與也若然諸侯之士亦然也

遂命量人巾車張三侯大侯之崇見鵠

於參參見鵠於干干不及地武不繫左下綱設乏西十北十凡之用革注巾車於天子宗伯之屬掌裝衣車者亦使張侯侯巾類崇高也高必見鵠鵠所射之主射義曰為人君者以為君鵠為人臣者以為臣鵠為人父者以為父鵠為人子者以為子鵠言射中此乃能任己位也鵠之言較較直也射者所以直己志或曰鵠鳥名射

之難中中之為俊是以所射於侯取名也淮南子曰鵠
鵠知來然則所云正者正也亦鳥名齊魯之間名題肩
為正正鵠皆鳥之捷黠者考工記曰梓人為侯廣與崇
方參分其廣而鵠居一焉則大侯之鵠方六尺糝侯之
鵠方四尺六寸大半寸豨侯之鵠方三尺三寸少半寸
及至也武迹也中人之足長尺二寸以豨侯計之糝侯
去地一丈五寸少半寸大侯去地二丈二尺五寸少半
寸凡侯北面西方謂之左前射三日張侯設乏欲使有

事者豫志焉音義

見賢遍反裝音莊所射之射食亦反
下射之所射侯同中丁仲反下難中

中之皆同任音壬較音角鴟音干劉音岸又音鴈正音
征題大西反黠戶八反參七南反又音三大音泰下大

族疏

釋曰上文直命量人量侯道及之遠近之處此經
論張侯高下之法也云設之西十北十者鄉射云

同參侯道居侯黨之一西五步注云此之去侯北十丈
西三丈此經云西十北十則西與北皆六丈不得為三
分居侯黨之一者以其三侯入堂深故也若然此三侯
之下總云西十北十則三侯之乏皆西十北十矣西亦
六丈者以三侯恐矢揚傷人與一侯亦異也侯之廣狹
取度於侯道注釋曰云中車於天子宗伯之屬者周禮
巾車屬宗伯故云宗伯之屬也云掌裝衣車者天子五
路木路無革鞞革路有革無異飾玉路金路象路有革
鞞又有玉金象為飾孤乘夏篆卿乘夏縵皆以物為飾
故云裝衣車者也云侯中類者侯亦有飾故鄉射記云

凡畫者丹質及正鵠之飾故云中類也引射義者欲證射以鵠為主也云鵠之言較較直也射者所以直己志并下注云然則所云正者正也此取射義解之故射義云射者內志正外體直然後持弓矢審固注云內正外直正鵠之名出自此是也云或曰鵠鳥名射之難中之為俊是以所射於侯取名也并下云亦鳥名齊魯之間名題肩為正正鵠皆鳥之捷點者鄭以正鵠之間有此二義故兩解之也云考工記梓人為侯侯廣與崇方參分其廣而鵠居一焉者三等皆高廣等引之者將欲解經見鵠之義故先知侯鵠廣狹尺寸也云則大侯之鵠方六尺者以侯道九十弓弓取二寸二九十八侯中丈八尺三分其侯而鵠居一故知鵠方六尺也云參侯之鵠方四尺六寸大半寸者以侯道七十弓弓取二寸則侯中丈四尺三分其侯鵠居其一丈四取丈二三分得四尺又於二尺之內取尺八寸又得六寸又二寸一寸為三分總六分取二分二分於三分為三分寸之二三

分寸之二即是大半寸故云糝侯之鵠方四尺六寸大半寸也云豳侯之鵠方三尺三寸少半寸者豳侯侯道五十弓弓取二寸則侯中方一丈三分其侯鵠居一馬一丈且取九尺得三尺一尺取九寸得三寸一寸分為三分得一分為三分寸之一則是少半寸故云豳侯之鵠方三尺三寸少半寸也云中人之足長尺二寸者無正文以目驗而知云以豳侯計之者以大侯糝侯高下無文豳侯云下網不及地武則豳侯下網去地尺二寸以是從豳侯計之也豳侯侯中一丈上下躬及上下舌各二尺合八尺是丈八尺矣又下不及地尺二寸則豳侯上綱去地丈九尺二寸也糝侯侯中丈四尺中上下各四尺得八尺并之二丈二尺也鵠居侯中三分之一則鵠下亦有四尺六寸大半寸通躬與舌四尺為八尺六寸三分寸之二矣張法糝侯鵠下畔與豳侯之上網齊所謂見鵠於豳自餘糝侯鵠下畔八尺六寸大半寸在掩豳侯亦如之豳侯上綱本去地丈九尺二寸直

掩八尺上有一丈一尺二寸在復掩六寸上有一丈六寸在復掩三分寸二唯有一丈五寸三分寸一在少半寸者即三分寸一也言大半寸者即三分寸二也故知掩侯下網去地一丈五寸少半寸也大侯中丈八尺中之上下各四尺即八尺矣中方丈八尺更加八尺二丈六尺也掩侯去地丈五寸少半寸本上綱下綱相去二丈二尺其舉也上綱去地三丈二尺五寸少半寸也大侯鵠下畔與掩侯上綱齊所謂見鵠於掩也侯中丈八尺三分之則鵠下亦有六尺下躬身四尺一丈矣則大侯自鵠以下掩掩侯一丈也自一丈以下猶有二丈二尺五寸少半寸在是大侯下綱去地亦然故注依此數也云前射三日張侯設乏知三日者前文云前射三日下云樂人宿縣下云厥明自前射三日以後論事不著異日故知張侯與設乏同是射前三日矣

○樂

人宿縣于阼階東笙磬西面其南笙鍾其南鐃皆南陳

注笙猶生也東為陽中萬物以生春秋傳曰太族所以
金秦贊陽出滯沽洗所以脩絜百物考神納賓是以東
方鍾磬謂之笙皆編而縣之周禮曰凡縣鍾磬半為堵
全為肆有鍾有磬為全鑄如鍾而大奏樂以鼓鑄為節

音義

縣音懸注同鑄本又作鑄音博族七豆反沽音姑
洗西典反編必連反又甫千反下同堵丁古反

疏

注釋曰云東為陽中萬物以生者陽氣起於子盛於
午故東方為陽中也萬物以生以其正月三陽生太

族用事故萬物生焉云春秋傳者是外傳泠州鳩對周
景王辭引之者證鍾磬為笙之事太族者寅上候氣之
管據度律均鍾金即鍾也故奏之所以贊陽出滯云姑
洗所以脩絜百物考神內賓者亦據度律均鍾姑洗在

辰三月百物脩絜而出考神納賓謂祭祀而有助祭之賓客但東方陽管唯有此二律故據此二律言之是以名東方鍾磬為笙也云皆編而縣之者言皆者欲解磬非應律之物與鍾同言之者以其鐃與鼓雖同西面與鍾同不編之而磬與鍾同十六枚而在一虞與鍾同編又同宮故兼言磬是以磬師職云掌教擊磬擊編鍾注云磬亦編於鍾言之者鍾有不編不編者鍾師擊之是其磬與鍾編之此東方云笙而西方言頌者以其夷則無射主西方成功收藏故稱頌頌者美盛德之形容故云頌也但天有十二次地有十二辰按書傳云天子出撞黃鍾之鍾右五鍾皆應入則撞蕤賓之鍾左五鍾皆應左右云五則除黃鍾蕤賓並為陽而應鍾林鍾己酉為右五也大呂中呂己東為左五也云周禮曰凡縣鍾磬半為堵全為肆者周禮小胥職文鼓鐃亦縣而直言鍾磬者據編縣者為文鼓鐃荀虞之上各縣一而已不編之鄭彼注云半之者謂諸侯之卿大夫半天子之卿

大夫天子之卿大夫判縣東西各有鍾磬是全之為肆
諸侯卿大夫雖同判縣半天子卿大夫取一相鍾磬分
為兩相西縣鍾東縣磬而天子之士特縣直東有鍾磬
亦是全之為肆諸侯之士直特縣半天子之士縣磬而
已或於階間或於東方又天子宮縣四面皆有諸侯軒
縣闕南面面皆有鍾磬鑄及鼓具有也卿大夫士皆無
鑄者若有鑄則諸侯臣半天子臣不得具是以闕之云
鑄如鍾而大者特牲注亦云鑄如鍾而大竝據國語而
注之以言鑄形如鍾而復大以大故特一縣不編之也
云奏樂以鼓鑄為節者按周禮鑄師云掌金奏之鼓注
云謂主擊晉鼓以奏其鍾鑄也以此言之則先擊鼓後
擊鍾鑄皆是與樂為節故鄭注以鼓鑄為節不言鍾磬
已注解故

建鼓在阼階西南鼓應鼙在其東南鼓注建

不言也

猶樹也以木貫而載之樹之跗也南鼓謂所伐面也應

聲應朔聲也先擊朔聲應聲應之聲小鼓也在東便其

先擊小後擊大也鼓不在東縣南為君也音義

應應對之應注

同聲步迷反跗方于

疏

釋曰下西面北面建鼓皆言一此建鼓不言一者彼在本方故

反便婢面反後皆同須言一見無他鼓此鼓本東方以為君故移來在北方

故異其文不言一也注釋曰云建猶樹也以木貫而載

之樹之跗也者按明堂位云殷楹鼓周縣鼓注云楹為

之柱貫中上出也縣縣之於其虞也此云以木貫而載

之則為之柱貫中上出一也周人縣鼓今言建鼓則殷

法也若醺用酒之類主於射略於樂故用先伐鼓云鼓

不在東縣南為君者決下一建鼓在其南東

西階之西

鼓者為賓復不在東縣北者取順君面故也

頌磬東面其南鍾其南鐃皆南陳一建鼓在其南東鼓

朔輦在其北注言成功曰頌西為陰中萬物之所成春
秋傳曰夷則所以詠歌九則平民無忒無射所以宣布
哲人之令德示民軌義是以西方鍾磬謂之頌朔始也
奏樂先擊西輦樂為賓所由來也鍾不言頌輦不言東

鼓義同省文也古文頌為庸音義

頌如字一音容射音亦為于偽反下同省

所景

疏

注釋曰言春秋傳者亦是外傳文云詠歌九則

反

者

謂六府三事九功之德是也以此九則平民

使無差慝云無射所以宣布哲人之令德者哲人謂后

稷后稷以稼穡之功成於季秋先王之業以農為本故

云示民軌義謂軌法義理也云先擊西輦樂為賓所由

來也者解先擊朔輦之義賓向外來位在西其樂主為

樂賓故先擊朔。擊應之也。云鍾不言頌，擊不言東，鼓義同省文也。者決上東方言笙，鍾應聲言南，鼓此當言頌。鍾東鼓義與上文同，亦合有而不言者，省文也。云古文頌為庸者，此雖疊古文不從義，亦通也。尚書云笙庸以閒笙，東方鍾磬西方是庸。亦功也，亦有成功之義也。

一建鼓在西階之東南面注

言面者國君於其羣臣備三面爾，無鍾磬有鼓而已。其

為諸侯則軒縣疏

注釋曰：云言面者國君於其羣臣備三面爾。者言國君合有三面為辟射

位又與羣臣射闕北面無鍾磬鑄直有一建鼓而已。故不言南鼓而言南面也。云其為諸侯則軒縣者若與諸侯饗燕之類則依諸侯軒縣三面皆有鼓與鍾磬鑄

蕩在建鼓之間注蕩竹也謂

笙簫之屬倚於堂音義

蕩大黨反

疏

注釋曰：按禹貢云篠蕩既敷注云蕩竹故知此

蕩亦竹也其器則管也是以下云乃管新宮注云管謂吹蕩故知竹管也按小師職注云管如蕩而小併兩而吹之今大呂樂官有焉爾雅云大笙謂之巢小者謂之和簫大者二十三管長尺四寸小者十六管長尺二寸大笙十九簧小者十三簧若然笙簫與管子異以其皆用竹故云笙簫之屬也云倚於堂者管擬吹之不倚在兩建鼓間者以不得倚

鼓倚于頌磬西絃注鼗如鼓而

於鼓故知倚於堂也

小有柄賓至搖之以奏樂也絃編磬繩也設鼗於磬西

倚于絃也王制曰天子賜諸侯樂則以祝將之賜伯子

男樂則以鼗將之音義

鼗大刀反倚於綺反絃音宏柄彼命反劉本作秉音同祝尺六

反疏

注釋曰知鼗如鼓而小者按那詩云倚與那與置我鼗鼓傳云倚數辭那多也鄭讀置為植植鼗鼓

者為楹貫而樹之美湯受命伐桀定天下而作漢樂故
歎之多其改夏之制乃始植我殷家之樂鼗與鼓也鼗
雖不植貫而搖之亦植之類以其殷人植鼓以木貫之
而下有跗鼗亦以木為柄而貫之但手執而不植為異
故云亦植之類鼗與鼓同文是鼗如鼓而小也知有柄
賓至搖之以奏樂者按眡瞭職云掌凡樂事播鼗擊頌
磬笙磬言擊鼗言播播為搖之可知鼗所以節樂賓
至乃樂作故於賓至搖之以奏樂也云絃編磬繩也者
絃若天子諸侯冕而朱絃用組之類磬在編縣之用絃
故知絃編磬繩也知設鼗於磬西倚於絃者以其鍾磬
皆面向東人居其前西面故知鼗在磬西倚之於絃也
引王制者證鼗為節樂之器祝狀如漆簫中有椎所以
節樂鼗亦節樂祝大於鼗故賜公侯樂則以祝將
命賜伯子男樂則鼗鼓將命自餘樂器陳於外也○厥

明司宮尊于東楹之西兩方壺膳尊兩甌在南有豐纂

用錫若絺綴諸箭蓋霽加勺又反之皆玄尊酒在北注
膳尊君尊也後陳之尊之也豐以承尊也說者以為若
井鹿盧其為字從豆曲聲近似豆大而卑矣霽覆尊巾
也錫細布也絺細葛也箭篠也為霽蓋卷辟綴於篠橫
之也又反之為覆勺也皆玄尊二者皆有玄酒之尊重
本也酒在北尊統於君南為上也唯君面尊言專惠也

今文錫或作錫絺或作絺古文箭作晉音義

錫悉歷反
絺敕其反

綴陟衛反又丁劣反近附近之近卑如字劉音婢篠素
了反為霽于偽反下注為諒為有為射同辟必亦反橫

如字劉古曠反。錫悉歷。反劉余章反。又羊政反。疏釋曰：自此盡奠定論，豫設尊侯射先行燕禮，自此至東陳皆陳設器物與燕禮同。但文有詳略耳。注釋曰：云說者以為若井鹿盧之形，即葬下棺，棨間重鹿盧之輩，其形兩頭大而中央小。今見井上豎柱夾之以索繞而挽之是也。云其為字從豆，曲聲者，此謂上聲下形之字。年和穀，豆多有故，從豆為形也。豐者，承尊之器，象形也。是以豐年之字，曲下著豆。今諸經皆以承尊爵之曲，不用豐字之曲，而用豐年之豐。故鄭還依豐字解之，故云其為字從豆為形，以曲為聲也。云近似豆大而卑矣者，既用豆為形，還近似籩豆之豆。舉漢法而知，但豆口徑尺，柄亦長尺，口徑小而又高，此承尊之物，口足徑各亦差寬中央亦大，其高比常豆而差短。故云近似豆大而卑，但斲一大木為之，取其安穩。此豐若在宗廟，或兩君燕亦謂之。站致爵在於上，故論語云：邦君為兩君之好，有反站。鄭注云：反站，反爵之站。

是也必用豐年之豐為圻者以其時和年豐萬物成熟
案盛豐備以共郊廟神歆其祀祝嘏其福至鄉飲酒鄉
射燕禮大射或君與臣下及四方之賓燕家富民足人
情優暇音酒嘉肴盈尊滿俎於以講道論政既獻酬侑
酢至無算爵行禮交樂和上下相歡勸飲為樂故也云
錫細布也者喪服記曰錫者十五升抽其半無事其縷
有事其布曰錫故知錫是細布也謂之錫者治其布使
之滑易也云唯君面尊者玉藻文注云面嚮也彼謂人
君燕臣子專其恩惠此大射亦謂人君燕臣下與彼是
同專惠之道故皆尊鼻嚮君云言專惠者決鄉飲酒尊
于房戶之間賓主夾
之不得專惠故也

尊士旅食于西鑄之南北面兩圜

壺注旅衆也士衆食未得正祿謂庶人在官者圜壺變

於方也賤無玄酒音義

國音

疏

釋曰前設縣時鑄南更
有一建鼓今設尊不應

在鼓北而云罇南者其實在鼓南門西北面與燕禮同而云罇南者遙繼罇而言必繼罇者樂以縣為主故也

又尊于大侯之之東北兩壺獻酒注為隸僕人巾車糝

侯豕侯之獲者獻讀為沙沙酒濁特泚之必摩沙者也

兩壺皆沙酒郊特牲曰汁獻泔于醖酒服不之尊俟時

而陳於南統於侯皆東面音義

獻素何反出注下注獻並同沙素河反下同泚

子禮反泔始銳

疏

注釋曰知為隸僕人巾車糝侯豕侯

反醖壯簡反

之

獲者以其此人皆有功又下文以

此尊獻之故知也知沙酒濁者以五齊從下向上差之

醖沈清於泛醴鬱鬯又在五齊之上故知沙酒濁也云

特泚之必摩沙者也者此解名沙酒之意云郊特牲曰

汁獻泔于醖酒者此以五齊中取醖酒盞齊泚鬱鬯之

事獻沙也沙鬱鬯之時和盎齊以手摩沙出其香汁洗清也沙之使清也此為隸僕以下卑賤之人而獻鬱鬯者此所得獻皆因祭侯為侯之神故用鬱鬯也云服不之尊俟時而陳於南統於侯皆東面知此不為大侯服不設者按下文云服不之尊東面南上故鄭云俟時而陳於南統於侯皆東面也

設洗于阼階

東南壘水在東篚在洗西南陳設膳篚在其北西面注

或言南陳或言西面異其文也疏

注釋曰云異其文也者洗篚言南陳亦西

面膳篚言西面亦南陳其實同所從言異尊君故也

又設洗于獲者之尊西北水

在洗北篚在南東陳注亦統於侯也無爵因服不也有

篚為真虛爵也服不之洗亦俟時而陳於其南疏

注釋曰云

亦統於侯也者前設尊兩獻酒亦云服不之尊俟時而陳於南統於侯今此設篚在南後設服不之洗在南亦統於侯

小臣設公席于阼階上西鄉司宮設賓席于戶西

南面有加席卿席賓東東上小卿賓西東上大夫繼而東上若有東面者則北上席工于西階之東東上諸公阼階西北面東上注唯賓及公席布之也其餘樹之於位後耳小卿命於其君者也席于賓西射禮辨貴賤也諸公大國有孤卿一人與君論道亦不典職如公矣音

義

鄉許亮反

疏

注釋曰知賓及公席布之其餘樹之於位後者下文更有孤卿大夫席文故知也此實未

布而言布之者欲辨尊卑故先言也孤尊而後言之者
言若是有無不定故後言也云小卿命於其君者也者
按王制云大國三卿皆命於天子次國三卿二卿命於
天子一卿命於其君小國亦三卿一卿命於天子二卿
命於其君若言小卿據次國已下有之云射禮辨貴賤
也者決燕禮大小卿皆在尊東西無小卿位彼主於燕
不辨貴賤故也云與君論道亦不與職如公矣者成王
周官云立太師太傅太保茲惟三公論道經邦變理陰
陽是三公論道無職此大國立孤一人論道與公同亦
無職故云不與職如公也縱鄭不見周官於周禮三公
亦無職考工記云或坐
而論道亦通及三公矣

官饌注百官各饌其所當共之

物音義

共音恭劉居俸反

疏

釋曰燕禮宰饌此不言宰而言官者欲見非獨宰故鄭云百官各饌

○羹定注烹肉熟也射義曰諸侯之射也必先行燕禮

燕禮牲用狗音義

定多佞反

射人告具于公公升即位于席

西鄉小臣師納諸公卿大夫諸公卿大夫皆入門右北

面東上士西方東面北上大夫在干侯之東北北面東

上士旅食者在士南北面東上小臣師從者在東堂下

南面西上注大夫在干侯東北士旅食者在士南為有

侯故入庭深也小臣師正之佐也正相君出入君之大

命音義

干音岸從才用反相息亮反

疏

釋曰自此盡少進論羣臣立位之事注釋曰云大夫在干

侯東北士旅食者在士南為有侯入庭深也者決燕禮士旅食者立于門西東上此不繼門而在士南繼士者

為有侯故入庭深也云小臣師正之位也者下有小臣
正正長也故以師為佐云正相君出入君之大命者小
臣正小臣中尊如天子大
僕故引大僕職解之也
公降立于阼階之東南南鄉

小臣師詔揖諸公卿大夫諸公卿大夫西面北上揖大

夫大夫皆少進注詔告也變爾言揖亦以其入庭深也

上言大夫誤衍耳疏

注釋曰燕禮言爾以其近門去君遠而言爾爾近也移也揖之使移

近此入庭深故不言爾而言揖揖之而已不須移近之也云上言大夫誤衍者以其大夫與公卿面有異故下別言大夫少進明上有大夫誤衍大夫大夫四字也
○大射正擯注大射正射人

之長音義

長丁反疏

釋曰自此盡門外北面論請立賓之事大射正對射人為長若小臣正對

小臣師亦為長

擯者請賓公曰命某為賓注某大夫名擯者命

賓賓少進禮辭注命賓者東面南顧辭辭以不敏反命

注以賓之辭告於君又命之賓再拜稽首受命注又復

音義

復扶又反

擯者反命賓出立于門外北面公揖卿大夫

升就席小臣自阼階下北面請執冪者與羞膳者注請

士可使執君兩甌之冪及羞脯醢庶羞於君者方園壺

獻無冪疏

釋曰自此盡公卿者論卿大夫度位及請執冪之事注釋曰云請士可使者鄭知請士者

據燕禮而知云方園壺獻無冪者方園壺臣尊獻獲者尊皆無冪

乃命執冪者執冪者

升自西階立于尊南北面東上注命者於西階前以公

命命之東上執玄尊之冪為上羞膳者從而東由堂東

升自北階立于房中西面南上不言命者不升堂略之

疏

注釋曰知命之在西階前者以其小臣位在東堂下於阼階請公命乃就西階命執冪者以其執冪者士

位在西故也云羞膳者從而東者已於燕禮釋訖云不升堂者但不由南方升略之升自北堂是亦升堂矣

膳宰請羞于諸公卿者注膳宰請者異於君也疏

釋曰不言

命者對君言命於臣略之

○擯者納賓賓及庭公降一等揖賓賓辟

注及至也辟逡遁不敢當盛音義

辟婢亦反又音避逡七旬反遁音旬

疏

釋曰自此盡賓答再拜論主人迎賓拜至及獻賓之事
云公降一等揖賓不言請賓至位就席者亦是以賓與
主人為禮禮不參故不請也
此言賓辟燕禮不言文略也
公升即席注以賓將與主

人為禮不參之**奏肆夏**注肆夏樂章名今亡呂叔玉云

肆夏時邁也時邁者太平巡守祭山川之樂歌其詩曰

明昭有周式序在位又曰我求懿德肆于時夏奏此以

延賓其著宣王德勸賢與周禮曰賓出入奏肆夏音義

夏戶雅反

疏

注釋曰云肆夏樂章名今亡者按周禮鍾

守手又反

師云以鍾鼓奏九夏杜子春引呂叔玉以

為肆夏時邁也繁遏執競也渠思文也後鄭云以文王

鹿鳴言之則九夏皆詩篇名頌之族類也此歌之大者

載在樂章樂崩亦從而亡是以頌不能具鄭彼注破呂叔玉此注亦云肆夏樂章名今亡與彼注亦同今此又引呂叔玉於下者以無正文叔玉或為一義故鄭於此兩解之也云祭山川之樂歌者以其時邁序云巡守告祭柴望也謂巡守祭當方山川則王制及尚書云望秩於山川是也云明昭有周者美武王有明昭於周云式序在位者式用也位賢用能序之使在官位云我求懿德者懿美也我求取美德之人也云肆于時夏者肆遂也夏大也能如此遂於王道之大云奏此以延賓其著宣王德勸賢與者今國君歌此詩延賓入者其欲著明諸侯宣布王之德以勸賢人使有德言與者鄭以義解之無正文故云與以疑之也云周禮曰賓出入奏肆夏者按大司樂云王出入則令奏王夏尸出入則令奏肆夏牲出入則令奏昭夏下云大饗不入牲其他皆如祭祀鄭注云大饗饗賓客也彼賓客謂諸侯來朝者也不入牲牲不入亦不奏昭夏也其他謂王出入賓客出入

亦奏王夏肆夏以此言之王用肆夏以饗諸侯來朝今引之者證無時納賓亦奏之按燕禮記云若以樂納賓則賓及庭奏肆夏鄭云卿大夫有王事之勞則奏此樂焉此亦同彼注也若臣無王事之勞則如常燕無以樂納賓法也又此納賓樂故諸侯亦得用者升歌則不可若賓醉而出奏陔夏與此異也

○賓升自

西階主人從之賓右北面至再拜賓答再拜注主人宰

夫也又掌賓客之獻飲食君於臣雖為賓不親獻以其

莫敢亢禮○主人降洗洗南西北面注賓將從降鄉之

不於洗北辟正主疏

釋曰自此至虛爵降論主人獻賓之事也注釋曰云不於洗北辟正

主者按鄉飲酒鄉射主人降洗洗北南面是正主此宰夫代君為主故不於洗北南面也

賓降階西

東面主人辭降賓對注對答主人北面盥坐取觚洗賓
少進辭洗主人坐奠觚于篚興對賓反位注賓少進者
所辭異宜違其位也獻不用爵辟正主主人卒洗賓揖
乃升注賓每先升尊也主人升賓拜洗主人賓右奠觚
答拜降盥賓降主人辭降賓對卒盥賓揖升主人升坐
取觚注取觚將就瓦甌酌膳執冪者舉冪主人酌膳執
冪者蓋冪酌者加勺又反之注反之覆勺筵前獻賓賓
西階上拜受爵于筵前反位主人賓右拜送爵注賓既

拜於筵前受爵退復位疏

注釋曰云賓既拜於筵前受爵者鄭恐讀者以拜下讀為

句

宰胥薦脯醢注宰胥宰官之吏也不使膳宰薦不主

於飲酒變於燕疏

注釋曰云不使膳宰薦者不主於飲酒變於燕者決燕禮使膳宰薦主於

飲酒故也

賓升筵庶子設折俎注庶子司馬之屬掌正六牲

之體者也鄉射記曰賓俎脊脅肩肺不使膳宰設俎為

射變於燕賓坐左執觚右祭脯醢奠爵于薦右興取肺

坐絕祭齊之興加于俎坐挽手執爵遂祭酒興席末坐

啐酒降席坐奠爵拜告旨執爵興主人答拜注降席席

西也旨美也音義

挽始銳反
啐七內反

樂闋注闋止也樂止者尊

賓之禮盛於上也音義

闋苦反注

釋曰此上經云奠爵拜
告旨下經云賓卒爵則

此經者是賓啐酒節即樂闋燕禮記亦云賓及庭奏肆
夏賓拜酒主人答拜而樂闋亦據啐酒時按郊特牲賓
入大門而奏肆夏又曰卒爵而樂闋與此啐酒樂闋不
同者彼注謂朝聘者故卒爵而樂闋此燕已臣子法故
啐酒而樂闋也注釋曰云尊賓之禮盛於上也者賓及
庭奏肆夏至升堂飲酒乃樂止是尊賓之禮盛於堂上
也賓西階上北面坐卒爵興坐奠爵拜執爵興主人答

拜○賓以虛爵降注既卒爵將酢也疏

釋曰自此盡西
序東面論賓酢

主人之事

主人降賓洗南西北面坐奠觚少進辭降主人西

階西東面少進對賓坐取觚奠于篚下盥洗注篚下篚
南主人辭洗賓坐奠觚于篚興對卒洗及階揖升主人
升拜洗如賓禮賓降盥主人降賓辭降卒盥揖升酌膳
執筯如初以酢主人于西階上主人北面拜受爵賓主
人之左拜送爵注賓南面授爵乃於左拜凡授爵鄉所
受者疏注釋曰云賓南面授爵乃於左拜凡授爵鄉所
受者知者以經云主人北面明凡授爵鄉所受
者鄉飲酒鄉射獻酬酢皆然故
云凡謂南面授與所受者也 主人坐祭不啐酒注辟

正主也未薦者臣也不拜酒注主人之義燕禮曰不拜

酒不告旨遂卒爵興坐奠爵拜執爵興賓答拜主人不

崇酒以虛爵降奠于篚注不崇酒辟正主也崇充也謂

謝酒惡相充實賓降立于西階西東面注既受獻矣不

敢安盛疏

注釋曰以堂上為盛故降下下文於酬賓降筵西東南面立注云不立於序內位彌尊燕禮

注云位彌尊禮彌卑是未酬已前禮盛者也

擯者以命升賓賓升立于西序

東面注命公命也東西牆謂之序疏

注釋曰知公命者命由尊者出故也

云東西牆謂之序者爾雅釋宮文

○主人盥洗象觚升酌膳東北面獻

于公注象觚觚有象骨飾也取象觚東面不言實之變

於燕疏

釋曰自此盡于籩論主人獻公之事云取象觥東面者鄉公為敬故也云不言賓之變於燕者

燕禮云賓之主於飲酒此云酌不

云賓之主於射略於飲酒故也

公拜受爵乃奏肆夏

注言乃者其節異於賓疏

注釋曰言異者賓及庶奏此君受爵乃奏是其節異故也

云乃者緩辭也

主人降自西階阼階下北面拜送爵宰胥薦脯

醢由左房庶子設折俎升自西階注自由也左房東房

也人君左右房鄉射記曰主人俎脊脅臂肺也疏

注釋曰以

人君左右房故云左房對大夫士東房而已故云東房不言左以無右所對故也

公祭如賓禮

庶子贊授肺不拜酒立卒爵坐奠爵拜執爵興注凡異

者君尊變於賓疏

注釋曰言異者使庶子授肺不拜酒立卒爵之等皆異於賓也

主人

答拜樂闋升受爵降奠于篚○更爵洗升酌散以降酢

于阼階下北面坐奠爵再拜稽首公答拜注更易也易

爵不敢襲至尊古文更為受疏

釋曰自此盡于篚論主人受公酢之事

主

人坐祭遂卒爵興坐奠爵再拜稽首公答拜主人奠爵于篚○主人盥洗升媵觶于賓酌散西階上坐奠爵拜

賓西階上北面答拜注媵送也散方壺之酒也古文媵

皆作騰疏

釋曰自此盡南面立論主人酬賓之事

主人坐祭遂飲賓辭卒

爵興坐奠爵拜執爵興賓答拜注辭者辭其代君行酒

不立飲也比於正主酬也

疏注釋曰上文公飲立卒爵此則坐飲故以公決之云

比於正主酬也者謂於鄉飲酒鄉射是正主酬賓之節也

主人降洗賓降主人辭降

賓辭洗卒洗賓揖升不拜洗注不拜洗酬而禮殺也音

義殺所界反

主人酌膳賓西階上拜受爵于筵前反位主人

拜送爵賓升席坐祭酒遂奠于薦東注遂者因坐而奠

之不北面也奠之者酬不舉也

疏注釋曰云不北面也者此決鄉飲酒鄉射

賓北面坐奠解于薦東注皆云酬酒不舉引曲禮君子不盡人之歡不竭人之忠以全交也

主人降

復位賓降筵西東南面立注賓不立於序內位彌尊疏

注釋曰案鄉飲酒注云位彌尊禮彌卑引雜記一張一

弛此對酢時立于西序之時不降于下禮稍卑位稍尊

此在席西東面位

彌尊禮彌卑也

○小臣自阼階下請媵爵者公命長

注命之使選於長幼之中也卿則尊士則卑音義

長丁丈反

注及下

疏

釋曰自此盡反位論將為賓舉旅使二人媵

皆同

爵之事注釋曰云命之使選於長幼之中知

不取卿大夫之年長者以其作下大夫不取年長又知

不取臣中位長者以其不取卿故鄭云卿則尊士則卑

故不取之而取下

小臣作下大夫二人媵爵注作使媵

大夫尊卑處中者

爵者阼階下皆北面再拜稽首公答拜注再拜稽首拜

君命媵爵者立于洗南西面北上序進盥洗角觶升自西階序進酌散交于楹北降適阼階下皆奠觶再拜稽首執觶興公答拜注序次第也猶代也先者既酌右還而反與後酌者交於西楹北相左俟於西階上乃降往來以右為上古文曰降造阼階下媵爵者皆坐祭遂卒觶興坐奠觶再拜稽首執觶興公答再拜媵爵者執觶待于洗南注待待君命小臣請致者注請君使一人與二人與不必君命音義

與音餘

若命皆致則序進奠觶于

篚阼階下皆北面再拜稽首公答拜媵爵者洗象解升

實之序進坐奠于薦南北上降適阼階下皆再拜稽首

送解公答拜注既酌而代進往來由尊北交於東楹北

亦相左奠於薦南不敢必君舉疏注釋曰言亦者亦前

西楹之北時後者南相東向先者北相西向向西階右

旋北面待後至降也今此二人先者於尊西東面酌訖

於東楹之北東向向公前奠之右旋於東楹之北北畔

西過後者亦於尊西東面酌訖於東楹之北南過東向

於公前奠之是亦交於楹北相左也云尊於薦南不敢

必君舉者凡舉者於右不舉者於左今奠於薦左是不

舉之處故云不

敢必君舉也

媵爵者皆退反位注反門右北面位疏

注釋曰但大夫初與卿在門右北面得揖少進中庭北面今當反庭中位而立云門右北面位者大夫雖得揖少進仍是門右北面位少進而已故鄭還以門右北面言之

○公坐取大夫所媵解

興以酬賓賓降西階下再拜稽首小臣正辭賓升成拜

注公起酬賓於西階降尊以就卑也正長也小臣長辭

變於燕升成拜復再拜稽首先時君辭之於禮若未成

然疏

釋曰自此盡復位論為賓舉旅下及大夫之事注釋曰云小臣長辭變於燕者燕禮直使小臣辭亦

是燕主歡此射禮辨尊卑故使小臣長辭異於飲酒禮故云變於燕也

公坐奠解答拜執

解興公卒解賓下拜小臣正辭賓升再拜稽首注不言

成拜者為拜故下實未拜也下不就拜禮也下亦降也

發端言降拜因上事言下拜音義

為于偽反

疏

釋曰自此已下皆云公答

拜不言再拜燕禮皆言公答再拜不同者燕主歡不明尊卑故公拜皆再拜此射禮主辨尊卑故直言云答拜答一拜此一拜者正禮也故周禮大祝辨九拜一曰稽首首至地臣拜君法二曰頓首頓首平敵相拜法三曰空首君答臣下拜後不為再拜即七曰奇拜是也注釋曰云下亦降也者此非訓下為降故以發端言降拜因上事言下拜直因降有上文即云下也經云公卒解賓下拜者公尊不拜既爵賓降拜若為君拜既爵也

公

坐奠觶答拜執觶興賓進受虛觶降奠于篚易觶興洗

注賓進以臣道就君受虛爵君不親酌凡爵不相襲者

於尊者言更自敵以下言易更作新易有故之辭也不
言公酬賓於西階上及公反位者尊君空其文也公有
命則不易不洗反升酌膳下拜小臣正辭賓升再拜稽
首公答拜注不易君義也不洗臣禮也賓告于擯者請
旅諸臣擯者告于公公許注旅序也賓欲以次序勸諸
臣酒賓以旅大夫于西階上擯者作大夫長升受旅注
作使也使之以長幼之次先孤卿後大夫賓大夫之右
坐奠觶拜執觶興大夫答拜注賓在右相飲之位音義

飲於鳩反疏注釋曰賓位在左而在大夫之右賓坐祭立卒

解不拜注酬而禮殺若膳解也則降更解洗升實散大

夫拜受賓拜送遂就席注言更解尊卿尊卿則賓禮殺

疏注釋曰上注云不相襲者於尊者言更自敵以下言易此賓於卿是自敵以下當言易今言更者尊卿尊

卿則卑賓禮殺也大夫辯受酬如受賓酬之禮不祭酒卒受者

以虛解降奠于篚復位注卒猶已也今文辯作徧音義

辯音疏釋曰言復位者亦如上復門○主人洗觚升實

散獻卿于西階上注酬賓而後獻卿飲酒禮成於酬司

宮魚卷重席設于賓左東上注言兼卷則每卿異席重

席蒲筵緇布純卿席言東上統於君席自房來音義重直

容反純之閏

疏

釋曰上文設席之下注謂唯賓及公席

反又章允反

布之

其餘樹之於位後至獻卿乃布之

則此云兼卷者不謂至是始卷之直是鋪設之時兼卷而設之也

卿升拜受觚主人拜

送觚卿辭重席司宮徹之注徹猶去也重席雖非加猶

為其重累辭之辟君音義

去起呂反

乃薦脯醢卿升席庶子

設折俎注卿折俎未聞蓋用脊脅臠折肺卿有俎者射

禮尊音義

臠奴到反

疏

注釋曰云卿折俎未聞者以燕禮卿

無俎故云未聞又云蓋用脊脅臠折

肺者案鄉射記云賓俎脊脅肩肺主人俎脊脅臂肺又獲者之俎折脊脅肺膍彼注云膍若膊脇之折以大夫之餘體以此言之則此賓俎亦用脊脅肩肺君俎亦脊脅臂肺前體有肩臂膍後體有膊脇之折以次用之故卿宜用膍若有公公用膍卿宜用膊也云卿有俎者射禮尊者對燕禮不辨尊卑故公卿等皆無俎也

卿坐左執爵右祭脯醢奠爵于薦右興取肺坐絕祭不

濟肺興加于俎坐挽手取爵遂祭酒執爵興降席西階

上北面坐卒爵興坐奠爵拜執爵興注陳酒肴君之惠

也不濟肺亦自貶於君疏

釋曰案燕禮君在不濟不啐者彼為臣有功君與之燕恩

及於卿故卿不敢啐也卿

主人答拜受爵卿降復位注

復西面位不酢辟君辯獻卿主人以虛爵降奠于篚擯者升卿卿皆升就席若有諸公則先卿獻之如獻卿之禮席于阼階西北面東上無加席注公孤也席之北面為大尊屈之也亦因阼階上近君近君則親寵苟敬私昵之坐音義先悉薦反大音泰昵女乙反○小臣又請媵爵者二大

夫媵爵如初請致者若命長致則媵爵者奠解于篚注命長致者使長者一人致也公或時未能舉自優暇疏

釋曰自此盡奠于篚論舉旅之事

一人待于洗南注不致者長致者阼

階下再拜稽首公答拜注再拜稽首拜君命洗象解升
賓之坐奠于薦南降與立于洗南者二人皆再拜稽首
送解公答拜注奠於薦南先媵者上解之處也二人皆
拜如初共勸君飲之○公又行一爵若賓若長唯公所
賜注一爵先媵者之下解也若賓若長禮殺也長孤卿
之尊者也於是言賜射禮明尊卑疏釋曰燕禮為卿舉
旅言若賓若長唯
公所酬燕禮主於飲酒
此言所賜是以決之也
以旅于西階上如初注賜賓則
以酬長賜長則以酬賓大夫長升受旅以辯大夫卒受

者以虛解降奠于篚○主人洗觚升獻大夫于西階上
大夫升拜受觚主人拜送觚大夫坐祭立卒爵不拜既
爵主人受爵大夫降復位注既盡也大夫卒爵不拜賤
不備禮疏釋曰自此盡就席論獻大夫之事注釋曰此
注云大夫卒爵不拜賤不備禮燕禮注云禮
殺者兩注相兼其義乃足對公卿拜既爵此
不拜此獻卿後是禮殺亦是賤不備禮也
胥薦主人

于洗北西面脯醢無胥注胥宰官之吏主人下大夫也

先大夫薦之尊之也不薦于上辟正主胥俎實音義
之胥

承辯獻大夫遂薦之繼賓以西東上若有東面者則北
反

上卒擯者升大夫大夫皆升就席注辯獻乃薦略賤也

亦獻後布席也疏

注釋曰既言辯獻大夫遂薦之後乃云繼賓以西東上以下云云者上總

言辯獻大夫大夫乃一時薦之下文更明布席位次就席之儀故云辯獻乃薦略賤也略賤則是獻訖降階獻辯擯者乃總升之就席就席訖乃薦之

○乃席工于西階上少東小臣納

工工六人四瑟注工謂瞽矇善歌諷誦詩者也六人大

師少師各一人上工四人四瑟者禮大樂衆也疏

釋曰自此

盡西面北上坐論作樂及獻工之事注釋曰云六人者大師少師各一人上工四人皆據文而言也云禮大樂衆也者對燕禮

僕人正徒相大師僕人師相少師僕人

士相上工注徒空手也僕人正僕人之長師其佐也士

其吏也天子視瞭相工諸侯兼官是以僕人掌之大師

少師工之長也凡國之瞽矇正焉杜蒯曰曠也大師也

於是分別工及相者射禮明貴賤音義

相息亮反瞭音了蒯苦怪反

疏注釋曰云僕人正僕人之長師其佐也者以正為長師為衆故云僕人正為長僕人師為佐也云士其吏

也者以其在僕人之下故知僕人之吏吏則府史之類

也云天子視瞭相工者見於眡瞭職文云大師少師工

之長也者周禮春官大師下大夫二人小師上士四人

鄭注云凡樂之歌必使瞽矇為焉命其賢知者以為大

師少師是樂工之長也云杜蒯曰曠也大師也者禮記

檀弓文引之者證大師為樂工之長也云於是分別工

及相者射禮明貴賤者對燕禮主歡
不明貴賤故不分別工貴及相賤

相者皆左何瑟後

首內弦擗越右手相注謂相上工者後首主於射略於

樂也內弦擗越以右手相工由便也越瑟下孔所以發

越其聲者也古文後首為後手音義

擗口胡反
又口侯反

後者徒

相入注謂相大師少師者也上列官之尊卑此言先後

之位亦所以明貴賤凡相者以工出入疏

注釋曰上列
官之尊卑此

陳先後之位亦所以明貴賤者上列官之尊卑謂先言
僕人正與大師後言僕人上與上工是列官尊卑也此
陳先後則上工與瑟在前大師少師在後是先後之位
既據入時行位亦據升堂與坐先後之位亦依此也云

凡相者以工出入者欲見入時如此出時亦然小樂正從之注從大師也後升

者變於燕也小樂正於天子樂師也疏注釋曰云從太

於燕也者燕禮樂正先升又不使小樂正者彼主於樂此則略於樂故也升自西階北面東

上注工六人坐授瑟乃降注相者也降立于西縣之北

音義縣音懸下同疏注釋曰鄉飲酒注云降立于西方近小

樂正立于西階東注不統於工明工雖衆位猶在此疏

注釋曰云不統於工明工雖衆位猶在此者決燕禮工四人樂正升立于工之西在西階東不統于工此雖六人衆於彼猶統于階而在西階東不變若使小樂正統之於工恐工位移近西故猶統于階也乃歌鹿

鳴三終注鹿鳴小雅篇也人君與臣下及四方之賓燕

講道脩政之樂歌也言已有旨酒以召嘉賓與之飲者

樂嘉賓之來示我以善道又樂嘉賓有孔昭之明德可

則倣也歌鹿鳴三終而不歌四牡皇皇者華主於講道

略於勞苦與諮事疏

注釋曰云主於講道略於勞苦者據四牡勞使臣此不用之云與諮

事者謂皇皇者華有諮謀諮度諮詢之事亦略之也

主人洗升實爵獻工工不興

左瑟注工歌而獻之以事報之也洗爵獻工辟正主也

獻不用觚工賤異之也工不興不能備禮左瑟便其右

大師無瑟於是言左瑟者節也疏

注釋曰云洗爵獻工辟正主也者案鄉飲

酒鄉射云大師則為之洗謂君賜之樂者其餘工不為之洗是正主法今此工六人皆為之洗故云辟正主也必知同洗者以其更無別獻之文故知同洗也云獻不用觥工賤異之也者燕禮大射獻賓獻卿大夫皆用觥而獻工用爵故云異之鄉飲酒鄉射獻同用爵者變於君故也云大師無瑟於是言左瑟者節也者上言獻工下云一人拜受爵則六人皆在工內而云工不興左瑟於是明大師亦入左瑟中故須云大師無瑟於是言左瑟者以其六人總當獻酒之節故總入左瑟文不謂有瑟也

一人拜受爵注謂大師

也言一人者工賤同之也工拜於席疏

注釋曰云謂大師也言一人者

工賤同之也者鄉飲酒鄉射云大師則為之洗則知此一人謂大師不言大師對君工賤不異其文故同之而

云一人也

主人西階上拜送爵薦脯醢注輒薦之變於大夫

疏

釋曰案上文云辯獻大夫遂薦之此工得獻不待辯輒薦之故云變於大夫也

使人相祭注

使人相者相其祭薦祭酒疏

注釋曰知祭薦祭酒者此文承一人受爵薦脯醢之

下明二者皆祭也若下文衆工直祭酒不祭脯醢也

卒爵不拜主人受虛爵衆工

不拜受爵坐祭遂卒爵辯有脯醢不祭注相者相其祭

酒而已主人受爵降奠于篚復位大師及少師上工皆

降立于鼓北羣工陪于後注鼓北西縣之北也言鼓北

者與鼓齊面餘長在後也羣工陪于後三人為列也於

是時小樂正亦降立于其南北面工立僕人立于其側坐則在後考工記曰鼓人為臯陶長六尺有六寸音義

餘長之長丁丈反下之長同

疏

注釋曰知鼓北是西縣之北者以其下文大師

少師始遷向東明此降者降在西縣之北可知云言鼓北者與鼓齊面餘長在後也者案前列樂縣之時鼓在鑄南今不言在鍾磬之北遙據鼓而言之者欲取形大又面向東工亦面向東故進取鼓面也言餘長在後者欲見鼓長六尺六寸工面與鼓面齊鼓有餘長在人後矣言此者工與鼓前面齊後面不齊之意也云羣工陪于後三人為列也者大師少師二人上工四人今若立時三人為列大師後有工二人少師後亦有工二人故云三人為列也云於是時小樂正亦降立于其南北面者亦約遷樂於東方工西面樂正北面言亦者亦東方

也云工立僕人立于其側坐則在後者亦約遷樂東方時面位得知也云考工記曰鼓人為皋陶長六尺有六寸者彼云鞀人為皋陶先鄭云鞀書或為鞀後鄭謂鞀者以皋陶名官鞀即陶字從革今云鼓人者誤當作鞀人鞀人掌鼓後人誤言鼓鼓人自在地官掌教六鼓矣云為皋陶者鼓木之名其穹隆二十板謂鼓木長六尺六寸賈侍中彼解為晉鼓引之者證鼓東西長工齊前面於後有餘之義也

乃管新宮三終

注管謂吹蕩以播新宮之樂其篇亡其義未聞笙從工

而入既管不獻略下樂也立于東縣之中疏

注釋曰云管謂吹蕩

者此云管上云蕩故鄭合為一事解之云其篇亡其義未聞者以其堂下詩故與由庚由儀之等同亡但上由庚由儀之等有序無詩故云有其義而亡其辭此則辭義皆亡故云其義未聞云笙從工而入者案燕禮云笙

入立于縣中有笙入之文此上下不見笙入之文故知笙從工而入也上文蕩解為竹謂笙簫之屬竹即管也今此經云管已解蕩為管復云笙從工而入者燕禮記云下管新宮笙入三成則吹管者亦吹笙故兼言笙欲見笙管相將也云立于東縣之中者燕禮笙入立于縣中則近於北縣而言此辟射位故知立于東縣之中也

卒管大師及少師上工皆東站之東南西面北上坐注

不言縣北統於堂也於是時大樂正還北面立于其南

疏

釋曰工人前不即遷于東者為管笙所作不以無事亂有事故待卒管大師乃東站西面北上坐不言去

堂遠近當如鄉射遷工阼階下之東南堂前三筭西面北上注釋曰云不言縣北統於堂也者上云鼓北不統於堂者彼權立

非正位故也

○擯者自阼階下請立司正注三爵既

備上下樂作君將畱羣臣而射宜更立司正以監之察

儀法也音義

監古
街反

疏

釋曰自此盡北面立論將
射立司正察儀安賓之事

公許擯

者遂為司正注君許其請因命用之不易之者俱相禮

其事同也司正適洗洗角觶南面坐奠于中庭注奠觶

者著其位以顯其事威儀多也疏

注釋曰燕禮及此射
禮司正不以觶升而

奠之於地比鄉飲酒及鄉射為顯其
事威儀多自此已後還與二鄉同也

升東楹之東受命

于公西階上北面命賓諸公卿大夫公曰以我安賓諸

公卿大夫皆對曰諾敢不安注以我安者君意殷勤欲

畱之以我故安也司正降自西階南面坐取觶升酌散
降南面坐奠觶注奠於中庭故也興右還北面少立坐
取觶興坐不祭卒觶奠之興再拜稽首左還南面坐取
觶洗南面反奠于其所北面立注皆所以自昭明於衆
也將於觶南北面則右還於觶北南面則左還如是得
從觶西往來也必從觶西往來者為君在阼不背之也
○司射適次袒決遂執弓挾乘矢於弓外見鏃於弣右
巨指鉤弦注司射射人也次若今時更衣處張幃席為

之耦次在洗東南袒左免衣也決猶闔也以象骨為之
著右巨指所以鉤弦而闔之遂射講也以朱韋為之著
左臂所以遂弦也方持弦矢曰挾乘矢四矢附弓把也
見鏃焉順其射也右巨指右手大擘以鉤弦弦在旁挾
由便也古文挾皆作接音義

挾音協又子協反乘繩證
反見賢遍反鏃子木反又

七木反附芳甫反闔音開講

疏

釋曰自此至于次論射
事將至誓射者及比三

耦之事注釋曰云司射射人也者案燕禮射人告具注
云射人主此禮以其或射又云射人納賓又云射人請
立司正公許射人遂為司正則射人司正一人也又云
乃薦司正與射人一人注天子射人司士皆下大夫二

人諸侯則上士其人數亦如之又曰若射則大射正為
司射注大射正射人之長此篇云射人告具又曰大射
正擯自此以後皆止云擯擯者自阼階下請立司正公
許遂為司正則此篇司正與大射正為一人也下云公
就物小射正奉決拾以筭大射正執弓注云大射正舍
司正親其職乃薦司正注云司正大射正是也云耦次
在洗東南者此無正文案鄉射記云設楅橫奉之南面
坐奠之南北當洗此下云三耦出次西行拾取矢又當
北行向楅則次在洗東南矣云方持弦矢曰扶者以
矢橫為方鄉射記云凡挾矢於二指間橫之是也

自

阼階前曰為政請射注為政謂司馬也司馬政官主射

禮疏

注釋曰云為政謂司馬也者案大宰云四曰夏官
其屬六十掌邦政是為政謂司馬也云司馬政官

主射禮者其屬有射人主射
事故司馬政官主射禮也

遂告曰大夫與大夫士御

於大夫注因告選三耦於君御猶侍也大夫與大夫為

耦不足則士侍於大夫與為耦也今文於為于疏

注釋曰云

不足則士侍於大夫與為耦也者以曲禮云君使士射注謂以備耦是也

○遂適西階前東

面右顧命有司納射器注納內也疏

釋曰命謂司射命之也言有司則前

文司士戒士射與贊者注云謂士佐執事不射者是也鄉射西階前西面命弟子納射器此言東面者君在阼空向之故東面右顧者以其有司是士士在西階南東面是以右顧向之射器皆入君之弓

矢適東堂賓之弓矢與中籌豐皆止于西堂下眾弓矢

不挾總眾弓矢福皆適次而俟注中閭中算器也籌算

也豐可奠射爵者衆弓矢三耦及卿大夫以下弓矢也

司射矢亦止西堂下衆弓矢不挾則納公與賓弓矢者

挾之福承矢器今文俟作待音義

福音福數音朔

疏

注釋曰云中閭中算

器也者鄉射記云於郊則閭中據此大射故知閭中所以盛算故云算器也云司射矢亦止西堂下者下文云司射卒誘射遂適堂西改取一个挾之是也若然司射有矢無弓在堂西有弓者誤或則據司射將獻釋獲者適阼階西去扑適堂西釋弓

工人士與梓人升自北

階兩楹之間疏數容弓若丹若墨度尺而午射正涖之

注工人士梓人皆司空之屬能正方圜者一從一橫曰

午謂畫物也射正司射之長音義

從子容反

疏

注釋曰知工人士與梓人

皆司空之屬能正方圜者冬官雖亡不知官屬之號見
今考工記有三十官有梓人之官此工人士又與梓人
同事故知冬官未亡時屬司空也云能正方圜者以工
巧能知之也續人職云火以圜土以黃其象方梓人職
張五采之侯之類是知方圜也云一從一橫曰午謂畫
物也者則鄉射記長與距隨是也但未知從者橫者若
為用丹若為用墨或科用其一云午十字謂之先以左
足履物右足隨而竝立也云度尺者即鄉射記從如筭
三尺橫如武
尺二寸是也

卒畫自北階下司宮埽所畫物自北階下

注埽物重射事也工人士梓人司宮位在北堂下疏

注釋

曰知工人士梓人司宮位在北堂下雖無正文南方不見有位其人升降自北階明位在北堂下

○大

史俟于所設中之西東面以聽政注中未設也大史俟

焉將有事也鄉射禮曰設中南當楅西當西序東面疏

注釋曰注引鄉射者欲見大史位之所在此也

司射西面誓之曰公射大侯大

夫射參士射干射者非其侯中之不獲卑者與尊者為

耦不異侯大史許諾注誓猶告也古文異作辭音義

丁中

仲疏

釋曰卑者與尊者射不異侯言此者以其誓云君

反射

大侯大夫射參侯士射干侯恐與尊為耦亦各

射已

侯故覆言此賓與君為耦同射大侯士與大夫為

耦同射參侯以其既與尊者為耦不可使之別侯別侯

者則非耦

類故也

遂比三耦注比選次之也不言面者大夫在

門右北面士西方東面音義

志比此反

疏

注釋曰云不言面者以下云面故決

之云大夫在門右北面士西方東面者仍依朝位以其
設朝之班位以來其位未改明知司射命誓及比次須
還依舊位司射面皆向之而比次也若耦及侯數天子
大射賓射六耦三侯畿內諸侯則二侯四耦畿外諸侯
大射賓射皆三侯三耦但諸侯畿外畿內各有一申一
屈故畿外三侯遠尊得申與天子同三耦則屈畿內二
侯近尊則屈四耦則申若燕射則天子諸侯例同三耦
一侯而已以其燕私屈也若卿大夫士例同一侯三耦
略言之數備

禮記射義也

三耦侯于次北西面北上注未知其耦今

文侯為立疏

注釋曰云未知其耦者下經始命之故云未知其耦若然此經已言面位者為三耦

雖未知與誰為耦要
知為三耦故立於此

司射命上射曰某御於子命下射

曰子與某子射卒遂命三耦取弓矢于次注取弓矢不

拾者次中隱蔽處音義

拾其業反疏注釋曰云取弓矢不拾者次中隱蔽處者對鄉

射堂西顯露之處拾取矢也

○司射入于次搢三挾一个出于次西

面揖當階北面揖及階揖升堂揖當物北面揖及物揖

由下物少退誘射注搢捷也挾一个挾於弦也个猶枚

也由下物而少退謙也誘猶教也夫子循循然善誘人

音義

捷初洽反本又作扱

疏

釋曰自此至東面論司射誘射之事此射人誘射與鄉射同但鄉射往階

西取弓矢此則入次取弓矢為異然此云入次搢三挾一个則已前皆挾乘矢不改鄉射亦然注釋曰引論語

者彼夫子教弟子學問事司射教人射事雖不同同是教法故引為證也射三侯將乘矢始

射干又射參大侯再發注將行也行四矢象有事於四

方詩云四矢反兮以御亂兮音義射食亦反卒射北面揖注

揖於當物之處不南面者為不背卿疏注釋曰案鄉射誘射卒南面揖

者彼尊東或公或卿大夫位同不別故司射不特尊之此大射辨尊卑尊東唯有天子命卿其餘小卿及大夫

皆賓西故特尊之不背之也及階揖降如升射之儀遂適堂西改取

一个挾之注改更也不射而挾矢示有事也遂取扑搯

之以立于所設中之西南東面注扑所以撻犯教者也

於是言立著其位也鄉射記曰司射之弓矢與扑倚于

西階之西音義

扑普
卜反

疏

注釋曰云於是言立著其位者案鄉射司射先立所設中之西

南三耦從之立於西南司射却就之搢三挟一个乃誘射此則誘射卒乃始來就位者由此有次就次取弓矢射訖無事乃於此立故云於是言立著其位也引鄉射記者此不言司射倚弓矢之處引之證此與彼記文同也

○司馬師命負侯者執旌以負侯注司馬師正之位

也欲令射者見侯與旌深志於侯中也負侯獲者也天

子服不氏下士一人徒四人掌以旌居之待獲析羽為

旌音義

令力
呈反

疏

釋曰自此盡而侯論司馬師命服不負侯之事也注釋曰引天子服不氏下士

一人徒四人者欲見諸侯亦三侯亦使服不負侯者皆氏與徒為獲者也云析羽為旌周禮司常文

適侯執旌負侯而侯司射適次作上耦射注作使也司

射反位疏

釋曰此不言先反位者為三耦始出次未有次前位無所先故不言先也

上耦出

次西面揖進上射在左竝行當階北面揖及階揖上射

先升三等下射從之中等注上射在左便射位也中猶

間也疏

注釋曰云上射在左便射位也者鄉射亦云上射在左不云便射位者彼東面位上射在北故

在左不取便射位之義此次北西面位亦上射在北居右故上射須在左以其發位竝行及升北面就物位皆言居左履物南面上射乃在上射升堂少左下射升上右故云上射在左便射位也

上射升堂少左下射升上

射揖竝行注竝併也併東行皆當其物北面揖及物揖

皆左足履物還視侯中合足而俟注視侯中各視其侯

之中大夫耦則視參中參中十四尺士耦則視干中干

中十尺○司馬正適次袒決遂執弓右挾之出升自西

階適下物立于物間左執弣右執簫南揚弓命去侯注

司馬正政官之屬簫弓末揚弓者執下末揚猶舉也適

下物由上射後東過也命去侯者將射當獲也鄉射禮

曰西南面立於物間疏

注釋曰云司馬正政官之屬者非大司馬大司馬之下屬大司

馬故云司馬屬案天子有大司馬卿一人小司馬中大夫二人此雖諸侯禮亦應有小司馬號為司馬正也知適下物由上射後東過也者案鄉射司馬命去侯時由上射後過至下射西西南面揚弓命去侯故引鄉射證此亦在物間

負侯皆許諾以宮趨直西及之南又諾以

商至之聲止注宮為君商為臣其聲和相生也鄉射禮

曰獲者執旌許諾古文聲為磬疏

注釋曰云宮為君商為臣樂記文云聲和

相生者宮生徵徵生商而云相生者雖隔徵亦是相生之義也云聲和者宮數八十一商數七十二彈宮則商應故云聲和也引鄉射者彼臣禮直云諾聲不絕不言宮商引之證與此不同之意

授獲者退立

于西方獲者興共而俟注大侯服不氏負侯徒一人居

乏相代而獲參侯干侯徒負侯居乏不相代鄉射禮曰
獲者執旌許諾聲不絕以至於乏坐東面偃旌興而俟

古文獲皆作護非也音義

共九勇反

疏

注釋曰云大侯服不氏負侯徒一人居乏

相代而獲者上注引周禮服不氏下士一人徒四人是
以鄭分之於三侯之上大侯尊故使服不氏與一徒居
乏自餘徒三人分之於二侯徒以少一人不
得相代也引鄉射者此文不具宜與彼同

司馬正出

于下射之南還其後降自西階遂適次釋弓說決拾襲

反位注拾遂也鄉射禮曰司馬反位立于司射之南音

義

還戶串反說吐
活反又始銳反

疏

注釋曰引鄉射者於此司馬不
言位宜與鄉射同故引為證

司

射進與司馬正交于階前相左由堂下西階之東北面

視上射命曰毋射獲毋獵獲上射揖司射退反位注射

獲矢中之也從翳為獵音義

射獲食亦反

○乃射上射既發

挾矢而后下射射拾發以將乘矢注拾更也將行也音

義

更音庚

獲者坐而獲注坐言獲也舉旌以宮偃旌以商

注等言獲也獲而未釋獲注但言獲未釋算古文釋為

舍疏

注釋曰云但言獲未釋算者鄭注鄉射云但大言獲此注不言大省文也

卒射右挾之

北面揖揖如升射注右挾之右手挾弦上射降三等下

射少右從之中等竝行上射于左與升射者相左交于

階前相揖適次釋弓說決拾襲反位三耦卒射亦如之

注上射於左由下射階上少右乃降待之言襲者凡射

皆袒疏

釋曰云上射降三等者諸侯階有七等言三等者欲明下射中等是降一等之上下下射過向

西畔由右故上射至地待之乃得二人竝行上射于左也云與升射者相左交于階前者降射者仍南行故得階前交往來也注釋曰云上射於左由下射階上少右乃降待之者此鄭解在階下而上射得在左之意由下射階上少右向西畔乃降上射於地待之故竝行時得上射在左也云凡射皆袒者案鄉射命三耦各與其耦讓取弓矢拾三耦取弓遂至卒射云脫決拾襲而俟于堂西南面此則前遂命三耦取弓矢于次不言袒至此

亦言襲故須言凡射皆袒決
在此不見袒亦袒可知也

司射去扑倚于階西適阼

階下北面告于公曰三耦卒射反摺扑反位疏

釋曰云司射去

扑倚于西階西適阼階下北面告于公者案鄉射司射
去扑倚于西階之西升堂北面告于賓曰三耦卒射注
云去扑乃升不敢佩刑器即尊者之側此不
升堂而在阼階下而亦去扑者尊公故也

○司馬正

袒決遂執弓右挾之出與司射交于階前相左注出出

于次也袒時亦適次疏

釋曰自此至興反位論取矢設
福之事注釋曰云出于次也袒

時亦適次者以此而言則袒時入次今更出次知不在
位上袒而入次取弓者凡袒襲皆於隱處鄉射無次司
馬適堂西袒執弓矢不在位此大
射有次明入次袒不在位可知

升自西階自右物之

後立于物間西南面揖弓命取矢注揖推之負侯許諾

如初去侯皆執旌以負其侯而俟注侯小臣取矢以旌

指教之司馬正降自西階北面命設楅注此出于下射

之南還其後而降之疏

注釋曰此出于下射之南還其後而降之者鄉射文此亦然故引

為證也小臣師設楅司馬正東面以弓為畢注畢所以教

助執事者鄉射記曰乃設楅于中庭南當洗東肆疏注

釋曰云畢所以教助執事者以畢是助載鼎實之物故司馬執弓為畢以指授若周禮執矢以為鞭度然引鄉射

禮文者證經設楅處亦當洗

既設楅司馬正適次釋弓說決拾襲反

位小臣坐委矢于楅括司馬師坐乘之注乘四四數

之音義

乘繩證反
數所主反

若矢不備則司馬正又袒執弓升命

取矢如初曰取矢不索乃復求矢加于楅括司馬正進

坐左右撫之興反位注左右撫分上下射此坐皆北面

○司射適西階西倚扑升自西階東面請射于公公許

注倚扑者將即君前不敢佩刑器也升堂者欲諸公卿

大夫辯聞也疏

釋曰自此盡未降請君行第二番射并
命耦之事注釋曰云倚扑者將即君前

不敢佩刑器也者上以去扑告君不注至此乃注者彼
告在阼階下遠君故不注至此升堂乃注義與彼同也

上不升者以告三耦卒射事緩故在下此告欲諸公卿大夫徧聞之故升但升者是其正故鄉射亦升堂大射告公故前在堂下此升

○遂適西階上命賓御于公諸

者欲公卿聞之故也

公卿則以耦告于上大夫則降即位而後告注告諸公卿於堂上尊之也司射自西階上北面告于大夫曰請

降司射先降搯扑反位大夫從之降適次立于三耦之

南西面北上注適次由次前而北西面立疏

釋曰云告于大夫曰

請降者以諸公卿在上故請大夫降鄉射降告主人與賓為耦遂告于大夫又曰賓主人與大夫皆未降注云言未降者見其志在射大夫未降者彼臣禮主人與賓皆卑故大夫未降與此異也注釋曰云適次由次前而

北西面立者上云司射等適次謂入次中此適次者大夫降自西階東行適次所過向堂東西面立因過次為適次非司射東面于大夫之西北耦大夫與大夫命上入次也

射曰某御於子命下射曰子與某子射卒遂比衆耦注衆耦士也衆耦立于大夫之南西面北上若有士與大

夫為耦則以大夫之耦為上注為上居羣士之上疏

注釋

曰云為上居羣士之上也者若是士與大夫之尊者為耦故居羣士之上也鄭云羣士之上者既為上射恐在大夫之上故云羣士之上是以下注云士雖為上射其辭猶尊大夫也若然國皆有三卿五大夫三耦六人而已而云使士為耦者卿大夫或有故命大夫之耦曰子或出使客其不足使士備耦之法也

與某子射告於大夫曰某御於子注士雖為上射其辭

猶尊大夫命衆耦如命三耦之辭諸公卿皆未降注言

未降者見其志在射疏

注釋曰言未者後當降故云未也若終不射不得言未是以鄉

射記云衆賓不與射者不降注不以無事亂有事是不射不得云未也

○遂命三耦各與

其耦拾取矢皆袒決遂執弓右挾之注此命入次之事

也司射既命而反位不言之者上射出當作取矢事未

訖疏

釋曰自此盡襲反位論命拾取矢之事注釋曰鄭知此是命入次之事者上來未有三耦入次袒決

遂之事又下文乃云一耦出明此是命入次之事若然司射命訖當反位不言者以其三耦入次出乃當作取

矢待作取矢即是事未訖故不言反位也仍未知令入次之後未出之間且在西方位且在階下位二者雖無文以事緩急言之三耦入次出則作之宜在階下位於義可也又鄉射云司射反位者司射反位則有三耦位得言反位此司射位在西方去次遠又司射位若階下去次亦遠不得言反故不言也

一耦出西

面揖當楅北面揖及楅揖注三耦同入次其出也一上

射出西面立司射作之乃揖行也當楅楅正南之東西上射東面下射西面上射揖進坐橫弓卻手自弓下取一个兼諸弣興順羽且左還毋周反面揖注橫弓者南踞弓也卻手自弓下取矢者以左手在弓表右手從裏

取之便也兼并也并矢於弣當順羽既又當執弦順羽者手放而下備不整理也左還反其位母周右還而反

東面也君在阼還周則下射將背之古文且為阻音義

還音患一音

疏注釋曰云左還反其位母周右還而反

環踏步北反

東面也者母周者左還行至位即位右

還而反東面是還不周也云君在阼還周則下射將背

之者上射左還已還背君而據下射而言者上射去君

遠故據下射而言以其下射若又還周為背君若

左還向東覆即右還西面是不背君周即背故也

下射

進坐橫弓覆手自弓上取一个兼諸弣興順羽且左還

母周反面揖注橫弓亦南踏弓也人東西鄉以南北為

橫覆手自弓上取矢以左手在弓裏右手從表取之便

也音義

覆芳伏反

疏

注釋曰云

橫弓亦南踏弓也者謂南踏

向下取矢便也上射下射俱南踏弓者取不背君向南為順也

既拾取矢相之注相齊

等之也古文相作魁音義

相口本反

兼挾乘矢皆內還南面

揖注內還者上射左下射右不皆右還亦以君在阼嫌

下射故左還而背之也上以陽為內下以陰為內因其

空可也疏

注釋曰云

不皆右還亦以君在阼嫌下射故左還而背之者若上下俱向內是相向為順

若上射左還是不故背君若下射右還背君少亦左還初時面向君轉身南向背君多似故背君故不左還也

云上以陽為內下以陰為內因其宜可也者上射東面左還時以左手還取東相陽方為內下射西面右還時以右手還取西相陰方為內隨其陰陽得左右相向是因其宜也

適福南皆左還北面

揖搢三挾一个注福南鄉當福之位也揖以耦左還上

射於左注以猶與也言以者耦之事成於此意相人耦

也上射轉居左便其反位也上射少北乃東面疏

注釋曰云

言以者耦之事成於此意相人耦也者揖不須言以今云以者必有義意故鄭云言以者耦之事成於此謂成於此拾取矢以其取矢後一番了更無事故云成於此人意相存耦也云上射轉居左便其反位也者位在次北西面是以上射居左至次北右還西面便也云上射少北乃東面知不少南者以其次在福東南北面揖時

已在次西故知上射少
北乃東面得東當次也

退者與進者相左相揖還退釋

弓矢于次說決拾襲反位二耦拾取矢亦如之後者遂
取誘射之矢兼乘矢而取之以授有司于次中皆襲反
位注有司納射器因畱主授受之○司射作射如初一
耦揖升如初司馬命去侯負侯許諾如初司馬降釋弓
反位○司射猶挾一个去扑與司馬交于階前適阼階
下北面請釋獲于公注猶守故之辭於此言之者司射
既誘射恆執弓挾矢以掌射事備尚未知當教之也今

三耦卒射衆已知之矣猶挾之者君子不必也公許反
摺扑遂命釋獲者設中以弓為畢北面注北面立于所
設中之南當視之也鄉射禮曰設中南當楅西當西序

大史釋獲小臣師執中先首坐設之東面退大史實八
算于中橫委其餘于中西興共而俟注先猶前也命大

史而小臣師設之國君官多也小臣師退反東堂下位

鄉射禮曰橫委其餘于中西南末疏注釋曰此不見執
算之人案鄉射命

釋獲者釋獲者執鹿中一人執算以從之彼臣禮官少
釋獲者自執中設之尚使人執算況國君官多大史不

自執中豈得自執算明亦使人執之云小臣師退反東
堂下位者其位已見篇首也引鄉射者證算以南末為
也順

司射西面命曰中離維綱揚觸相復公則釋獲衆則

不與注離猶過也獵也侯有上下綱其邪制躬舌之角

者為維或曰維當為緝緝綱耳揚觸者謂矢中他物揚

而觸侯也相復謂矢至侯不著而還復復反也公則釋

獲優君也衆當中鵠而著古文相作𠂔音義

中丁仲反邪似嗟反

緝劉侯犬反又于負反一古

疏

注釋曰中謂中侯注不

縣反又古犬反著直略反

言

可知云離猶過也獵

也者謂矢過獵因著維與綱二者云侯有上下綱其邪
制躬舌之角者為維者案梓人云上綱與下綱出舌尋

續寸馬注網所以繫侯於直者也上下皆出舌一尋者亦人張手之節也鄭司農云續籠網者維持侯者若然則網與維皆用繩為之又以布為續籠網然後以上个下个邊綴著續兩頭以網繫著植維者於上个下个上下躬兩頭皆有角又以小繩綴角繫著植故矢或離網或離維也云或曰維當為續續網耳者鄭更為一解續則維也云續網耳者以續為網耳離著續也云衆唯公當中鵠者大射鵠則梓人云張皮侯而棲鵠是也

所中中三侯皆獲注值中一侯則釋獲疏

注釋曰云中三侯皆釋獲

則離維網及揚觸相復亦釋之不言者以中為主也

釋獲者命小史小史命獲者

注傳告服不使知此司射所命疏

注釋曰據在大侯而言告服不則參侯干

侯告可知舉遠見近

司射遂進由堂下北面視上射命曰不貫不

釋上射揖司射退反位注貫猶中也射不中鵠不釋算

古文貫作闕疏

注釋曰案上文離維綱公則釋獲言之則此云不中不釋算者據除君而言也

釋獲者坐取中之八算改實八算興執而俟注執所取
算乃射若中則釋獲者每一個釋一算上射於右下射
於左若有餘算則反委之注委餘算禮貴異又取中之
八算改實八算于中興執而俟三耦卒射○賓降取弓
矢于堂西注不敢與君竝俟告取之以升俟君事畢疏

注釋曰自此盡共而俟論第二番射三耦訖次公卿大夫之事但此賓先降取弓矢即升堂者以其不敢與君

竝待告故下云司射告射于公小射正取公之決拾并
授弓拂弓是君得告乃取弓矢是不敢與君竝俟告也
云取之以升俟君事畢者案下又云公將射則賓降適
堂西袒決遂執弓搢三挾一个升自西階是君事畢君
事畢賓降袒決遂乃更升若然賓於此不
即袒決遂者去射時遠故不可即袒也 諸公卿則適

次繼三耦以南注言繼三耦明在大夫北

釋曰言適次者但射

位在堂東次在洗東南今諸公卿東南適次前行至其
三耦之南以次西面立注釋曰云繼三耦明在大夫北
者以其三耦在北大夫在南而
言繼三耦明在大夫之北也 公將射則司馬師命負

侯皆執其旌以負其侯而俟注君尊若始馬

疏注釋曰云君尊

若始馬者案上始時司馬命負侯三耦將射司馬命去
侯今三耦卒射君將射司馬使更命負侯是君尊若始

馬

司馬師反位隸僕人埽侯道注新之司射去扑適阼

階下告射于公公許適西階東告于賓注告當射也今

文曰阼階下無適遂搢扑反位小射正一人取公之決

拾於東站上一小射正授弓拂弓皆以俟于東堂注授

弓當授大射正拂弓去塵疏

釋曰據此經上下或云大射正或云司射或小射

正不同者今行射禮大射正一人為上司射次之或云小射正若然大射正與司射各一人據其行事小射正不止一人而已此云小射正一人取弓之決拾於東站上下云小射正奉決拾以筭與此一人此又云小射正授弓與取決拾別則小射正二人也注釋曰云授弓當授大射正者下云大射正執弓以袂以授公明此小射

正授弓者當授大射正也

公將射則賓降適堂西袒決遂執弓搯三

挾一个升自西階先待于物北北一筈東面立注不敢

與君併筈矢幹東面立鄉君也音義

筈工但反劉古老反

疏

釋曰云公

將射則賓降者案前文賓降適堂西取弓矢無賓升堂之文但文不具其實即升矣是以此文云賓降注釋曰云筈矢幹者案周禮矢人矢幹長三尺則此賓立於物北三尺矣

司馬升命去侯如初

還右乃降釋弓反位注還右還君之右也猶出下射之

南還其後也今文曰右還疏

注釋曰云還右還君之右也者君為下射賓為上射

司馬在君之西南揚弓命去侯訖還君之右東而南西向降自西階猶出下射之南還其後也者猶如上文初

將射時司馬立於物間南揚弓命去侯訖出於下射之
南還其後降自西階前後是同故取彼解此云今文曰
右還不從右還者若右還則右
還於上射不得還君故不從也
公就物小射正奉決拾

以筈大射正執弓皆以從於物注筈崔葦器大射正舍

司正親其職音義

筈息嗣反字林先字反劉音司崔音丸葦于鬼反

疏

注釋曰前解大

射正與司射別人案此注大射正舍司正親其職則大
射正與司正為一人又案上文司射請立司正遂立司
射為司正則司射又與大射正為一人與上解似相違
者以大射正與射人俱掌射事相當則大射正與司射
別若通而言之射人不對大射正射人
亦名大射正故此以射人為大射正也
小射正坐奠筈

于物南遂拂以巾取決興贊設決朱極三注極猶放也

所以韜指利放弦也以朱韋為之三者食指將指無名

指無極放弦契於此指多則痛小指短不用音義

韜土刀反

將子匠反契告計反

小臣正贊袒公袒朱襦卒袒小臣正退俟于

東堂小射正又坐取拾興贊設拾以筭退奠于坵上復

位注既袒乃設拾拾當以韝襦上疏

注釋曰案上文設決訖乃云公袒朱

襦始云小臣正贊設拾拾當拾殷膚體宜在朱襦之上故鄭云既袒乃設拾拾當以韝襦上鄉射云袒決遂以其無襦故遂與決得俱時設若大夫大射正執弓以袂對士附袒纁襦設遂亦當在袒後

順左右隈上再下壹左執附右執簫以授公公親揉之

注順放之也隈弓淵也揉宛之觀其安危也今文順為

循古文揉為紐音義

隈烏回反

疏

注釋曰云順放之也者以袂向下於弓隈

順放之云觀其安危也者案考工記弓人云其弓安其弓危者以弓弱者為危其弓強者為安則此云觀安危者謂試弓之強弱

小臣師以巾內拂矢而授矢于公稍屬注內

拂恐塵及君也稍屬不搢矢音義

屬之玉反

大射正立于公

後以矢行告于公注若不中使君當知而改其度下曰

畱上曰揚左右曰方注畱不至也揚過去也方出旁也

公既發大射正受弓而俟拾發以將乘矢注公下射也

而先發不畱尊也疏

注釋曰案上三耦射者上射射訖乃次下射此公為下射當後射今

君射前於賓故鄭云先發不畱尊也

公卒射小臣師以巾退反位大射正

受弓注受弓以授有司於東堂小射正以筭受決拾退

奠于牀上復位大射正退反司正之位小臣正贊襲公

還而后賓降釋弓于堂西反位于階西東面注階西東

面賓降位疏

注釋曰案上文賓受獻訖降立於階西東面此云反位於階西東面故云賓降位也

公即席司正以命升賓賓升復筵而后卿大夫繼射諸

公卿取弓矢于次中袒決遂執弓搢三挾一个出西面

揖揖如三耦升射卒射降如三耦適次釋弓說決拾襲
反位衆皆繼射釋獲皆如初注諸公卿言取弓矢衆言
釋獲互言也疏

釋曰此公與賓復升即位者公卿以下當繼射公與賓當觀之故升就位也

卒射釋獲者遂以所執餘獲適阼階下北面告于公曰
左右卒射注司射不言告者釋獲者於是有所事宜終之
也餘獲餘算也無餘算則無所執古文曰餘算反位坐
委餘獲于中西興共而俟○司馬袒執弓升命取矢如
初負侯許諾以旌負侯如初司馬降釋弓如初小臣委

矢于楅如初注司馬司馬正於是司馬師亦坐乘矢疏

釋曰自此盡就席論射訖取矢委于楅之事注釋曰知司馬是司馬正司馬師亦坐乘矢者此經皆言如初案上番射司馬正與司馬師乘矢故知也賓諸公卿大夫之矢皆異束之以

茅卒正坐左右撫之進束反位注異束大夫矢尊殊之

也正司馬正也進前也又言束整結之示親也疏注釋曰公

卿皆異束但言大夫者公卿自相對其矢俱束之及其脫之亦拾取但三耦之內大夫以士耦之士矢不束大夫束之故曰尊殊之下注云不言君矢小臣以授矢人於東堂下可知知者以其小臣取矢明取之以授矢人

賓之矢則以授矢人于西堂下注是言矢人則納射器

之有司各以其器名官職不言君矢小臣以授矢人于

東堂下可知司馬釋弓反位而后卿大夫升就席注此

言其升前小臣委矢於楅䟽

注釋曰云此言其升前小臣委矢於楅者案上文司

馬降釋弓如初在小臣

委矢之上其司馬降釋弓之時

卿大夫即升就席委矢當在司馬命取矢之下不失其次故不即見卿大夫升事是以於此特言司馬降釋弓與卿大夫升為大節耳故鄭亦言其次第也 ○司

射適階西釋弓去扑襲進由中東立于中南北面眡算

注釋弓去扑射事已也音義

眡音視本亦作視

䟽

釋曰自此盡其而俟論數

算之事直言去扑不言去矢矢亦去之是以下文

釋獲

者東面于中西坐先數右獲注固東面矣復言之者少

南就右獲音義

數所主反

二算為純注純猶全也耦陰陽也

一純以取實于左手十純則縮而委之注縮從也於數

者東西為從古文縮皆作𠂔音義

縮所六反

每委異之注易

校數音義

易以鼓反

有餘純則橫諸下注又異之也自近為

下音義

近附近之近

一算為奇奇則又縮諸純下注又從之

音義

奇居空反

與自前適左注從中前北也更端故起東面

坐注少北於故坐兼斂算實于左手一純以委十則異

之注變於右也其餘如右獲注謂所縮所橫者司射復

位釋獲者遂進取賢獲執之由阼階下北面告于公注

賢獲勝黨之算也執之者齊而取其餘若右勝則曰右

賢於左若左勝則曰左賢於右以純數告若有奇者亦

曰奇注告曰某賢於某若干純若干奇若左右鈞則左

右各執一算以告曰左右鈞還復位坐兼斂算實八算

于中委其餘于中西興共而俟○司射命設豐注當飲

不勝者射爵音義

飲于
鳩反

疏

釋曰自此盡徹豐與解論
二番射訖行射爵之事

司

宮士奉豐由西階升北面坐設于西楹西降復位勝者
之弟子洗觶升酌散南面坐奠于豐上降反位注弟子
其少者也不授者射爵猶罰爵略之音義奉芳勇反疏

注釋曰自此以上其疏見於鄉射於此不復言云不授者射爵猶罰爵略之者案詩云兕觥其觶旨酒思柔注云觶陳說觥觥罰爵不手授此飲射爵亦不手授故云猶罰爵也案獻酬之爵皆手授之此不手授故云略之也若然士以下飲罰爵者取於豐大夫已上皆手授尊之故下注云授爵而不奠豐尊大夫也其三耦之內雖大夫亦取於豐者以其作三耦與衆耦同事故不復殊之
司射袒執弓挾一个搯扑

東面于三耦之西命三耦及衆射者勝者皆袒決遂執

張弓注執張弓言能用之也右手挾弦不勝者皆襲說

決拾卻左手右加弛弓于其上遂以執弣注固襲說決

拾矣復言之者起勝者也不勝者執弛弓言不能用之

也兩手執弣無所挾也音義弛尸反疏注釋曰云固襲說

起勝者也者起勝者射畢之時降堂皆就次襲說決拾

矣故云固襲今復言之者以其勝者更袒決遂故復言

不勝襲說決拾卻欲與勝者相起復發故復言之也司射先反位注居前俟所命

入次而來飲三耦及衆射者皆升飲射爵于西階上注

不勝之黨無不飲疏注釋曰以其經云三耦及衆射者

之黨無不飲但大射者所以擇士以助祭今若爵爵在於不勝之黨雖數中亦受罰及其助祭雖飲射爵亦得助祭但在勝黨雖不飲罰爵若不數中亦不得助祭以其飲罰據一黨而言及其助祭取一身之藝義故不同也

小射正作升飲射爵者如作射一耦出揖如升射及

階勝者先升升堂少右注先升尊賢也少右辟飲者亦

因相飲之禮然疏

注釋曰云亦因相飲之禮然者案鄉飲酒鄉射獻酬之禮獻者在右酬者在左故

云亦也 不勝者進北面坐取豐上之觶興少退立卒觶

進坐奠于豐下興揖注立卒觶不祭不拜受罰不備禮

也右手執觶左手執弓疏

注釋曰案鄉飲酒皆祭坐卒爵拜既爵故此決之受罰不

備禮也云右手執觶左手執弓者以其執弛弓不釋於地明知來飲時兩手執弓今受爵爵右手執爵為便左手執弓

不勝者先降注後升先降略之不由次也降而

少右復竝行疏

注釋曰云後升先降略之不由次也者案上文勝者先升此文不勝者先降故

云略之不由次云降而少右復竝行者見下文與升降者相左明降至堂下此二人少右復竝行以其辟升者

在左故也

與升飲者相左交于階前相揖適次釋弓襲反位

僕人師繼酌射爵取觶實之反奠于豐上退俟于序端

注僕人師酌者君使之代弟子也自此以下辯為之酌

升飲者如初三耦卒飲若賓諸公卿大夫不勝則不降

不執弓耦不升注此耦謂士也諸公卿或闕士為之耦

者不升其諸公卿大夫相為耦者不降席重恥尊也疏

注釋曰知此耦謂士者以大夫坐於上士立於下經云耦不升故云此耦謂士也是以鄭解其意云諸公卿或闕士為之耦者不升其諸公卿大夫相為耦者不降席以大夫在堂上故云不降席云重恥尊也者解士不升大夫已上不降席意以其卑者對飲尊者是可恥之事不對飲是重恥尊者也

僕人師洗升實

解以授賓諸公卿大夫受解于席以降適西階上北面

立飲卒解授執爵者反就席注雖尊亦西階上立飲不

可以已尊枉正罰也授爵而不奠豐尊大夫也疏

注釋曰云

不可以已尊枉正爵也者正爵謂上文飲者在左勝者在右於西階之上北面跪取豐上之觶飲之是也今雖不取於豐亦於西階北面

若飲公則侍射者降洗角觶

升酌散降拜注侍射賓也飲君則不敢以為罰從致爵

之禮也疏

注釋曰云侍射賓也者以其賓與君對射耦自相飲故知侍射者賓也云飲君則不敢以

為罰從致爵之禮也者罰爵如上文罰者飲之而已今則從燕臣致爵於君之禮下文所謂夾爵者是也但此經云角觶與上文觶皆是三升曰觶觶與角連故謂之角觶或單言角或單言觶是以禮記少儀云侍射則約矢侍投則擁矢勝則洗爵而請不角注云角謂觥爵也於尊長與客如獻酬之爵又詩云我姑酌彼兕觥毛傳云兕觥角爵箋云兕觥爵是其角觶兕觥皆罰爵此角觶以兕觥角為之非謂四升曰角者也若然此角觶

對下文飲君云象
觶故云角觶也

公降一等小臣正辭賓升再拜稽首

公答再拜賓坐祭卒爵再拜稽首公答再拜賓降洗象

觶升酌膳以致下拜小臣正辭升再拜稽首公答再拜

公卒觶賓進受觶降洗散觶升實散下拜小臣正辭升

再拜稽首公答再拜注賓復酌自飲者夾爵也但如致

爵則無以異於燕也夾爵亦所以恥公也所謂若飲君

燕則夾爵疏

注釋曰云所謂若飲君燕則夾爵者言所謂卿射文彼云燕者則此經夾爵也

賓

坐不祭卒觶降奠于篚階西東面立注不祭象射爵疏

釋曰案上文受爵者取爵於豐飲之不祭此云君爵不祭是以賓飲夾爵亦不祭皆與射同故云也 擯者

以命升賓賓升就席注擯者司正也今文席為筵若諸公卿大夫之耦不勝則亦執弛弓特升飲注此耦亦謂士也特猶獨也以尊為耦而又不勝使之獨飲若無倫匹孤賤也衆皆繼飲射爵如三耦射爵辯乃徹豐與觶注徹除也○司宮尊侯于服不之東北兩獻酒東面南上皆加勺設洗于尊西北篚在南東肆實一散于篚注為大侯獲者設尊也言尊侯者獲者之功由侯也不於

初設之者不敢必君射也君不射則不獻大侯之獲者

散爵名容五升音義

獻素多反

疏

釋曰自此盡侯而侯論設尊獻服不之事注釋曰云

不於初設之者不敢必君射也君不射則不獻大侯之獲者若然此設大侯之獲者君不射則不設之不豫設者不敢必君射案上張侯先設大侯君射大侯張之必君射者但聖人射法一與一奪以大射者為祭擇士所以助祭人君不可不親故奪其尊使之必射故豫張大侯至此設大侯之尊君射訖乃設之者許其自優暇容有不射之理是以不射則不設射乃設之云散爵名容五升者案韓詩傳云一升曰爵二升曰觥三升曰觶四升曰角五升曰散

是其散容五升也

司馬正洗散遂實爵獻服不注言服

不者著其官尊大侯也服不司馬之屬掌養猛獸而教

擾之者洗酌皆西面音義

擾而疏注釋曰云服不者著小反疏其官尊大侯也者自

此已前皆以事名之於此而言服不著其官言尊大侯故也云服不司馬之屬者以其服不在大司馬下六十官之屬者云掌養猛獸而教擾之者猛獸熊羆之屬教之使擾馴人意象王者服不諸侯使歸服王者云洗酌皆西面者以其設尊設洗皆東面故知洗爵酌酒皆西面向之也若然獻旅食尊後酌者為背君此西面不嫌背君以其南
服不侯西北三步北面拜受爵注近其

所為獻疏

注釋曰云近其所為獻者以其服不得獻由侯所為故不近之而近侯獻之故云近其所

為獻也

司馬正西面拜送爵反位注不俟卒爵略賤也此

終言之獻服不之徒乃反位疏

注釋曰云不俟卒爵略賤也者案上文献服不

訖又案下文卒祭左个之西北三步東面設薦俎立卒爵若然卒爵在祭諸侯訖今司馬反位在末祭侯之前故略賤也云此終言之獻服不之徒乃反位者但大侯尊服不與其徒二人共在獲所獻服不亦兼獻其徒此經唯見獻服不見獻其徒即云司馬反位明獻徒後始反位是以知反位者終言之其實獻徒後乃反位故下司馬正皆

宰夫有司薦庶子設折俎注宰夫有司宰

夫之吏也鄉射記曰獲者之俎折脊脅肺疏

注釋曰云宰夫有司

宰夫之吏也者諸侯宰夫是士而宰夫有司明是宰夫之吏府史也引鄉射記者此俎實無文故引之為證

卒錯獲者適右个薦俎從之注不言服不言獲者國君

大侯服不負侯其徒居乏待獲變其文容二人也司馬

正皆獻之薦俎已錯乃適右个明此獻已已歸功於侯

也適右个由侯內鄉射記曰東方謂之右个音義

錯劉音厝

个劉

疏注釋曰云國君大侯服不負侯其徒居之待獲

音幹

變其文容二人也者案上注云天子服不氏下

士一人徒四人掌以旌居之待獲鄭言容二人者欲見

服不與徒二人皆得獻故鄭云司馬正皆獻之云適右

个由侯內者以其既祭左个次祭右

个乃祭於中故云適右个由侯內

獲者左執爵右祭

薦俎二手祭酒注祭俎不奠爵不備禮也二手祭酒者

獲者南面於俎北當為侯祭於豆間爵反注為一手不

能正也此薦俎之設如於北面人焉天子祝侯曰唯若

寧侯無或若女不寧侯不屬於王所故抗而射女彊飲

彊食貽女曾孫諸侯百福諸侯以下祝辭未聞

音義祝侯

之又反女者汝射疏注釋曰云祭俎不奠爵不備禮也

食亦反彊其丈反疏者言祭俎者謂祭俎上肺但肺有

二種此云祭是祭肺也非是離肺知者案鄉射記云獲

者之俎折脊脅肺臠又曰釋獲者之俎折脊脅肺皆有

祭則此俎祭肺亦離肺若然凡祭祭肺皆不奠爵是其

常云此不奠爵不備禮者但祭肺離肺兩有祭肺皆不

奠爵若空有祭肺亦不奠爵今祭俎不奠故云不備禮

云天子祝侯曰以下周禮梓人文云諸侯以下祝辭未

聞知諸侯不與天子祝辭同而云未聞者以本所射侯

天子中之則能服諸侯諸侯中之則得為諸侯若天子

云抗而射女諸侯則不得云抗而適左个祭如右个中

射女是以知祝辭有之但未聞耳

亦如之注先祭个後中者以外即之至中若神在中鄉

射禮曰獻獲者俎與薦皆三祭疏

注釋曰以其左右及中故三者皆三祭非

謂一處有三祭

卒祭左个之西北三步東面注此鄉受獻之位

也不北面者嫌為侯卒爵疏

注釋曰云不北面者嫌為侯卒爵者前服不受獻之

時侯西北面者欲歸功於侯故也今卒爵雖同舊處而東面者以其前受獻為己今卒爵還為己卒爵故東面是以云不北面者嫌為侯卒爵也

設薦俎立卒爵注不言不拜既爵司

馬正己反位不拜可知也鄉射禮曰獲者薦右東面立

飲疏

注釋曰云不言不拜既爵司馬正己反位不拜可知也者決鄉射獲者薦右東面立飲不拜既爵此

則不言之以其司馬在對司馬不拜既爵司馬已反位
不拜既爵可知故不言引鄉射禮者此不言立位之處
當同鄉射薦
者東面立
司馬師受虛爵洗獻隸僕人與巾車獲者

皆如大侯之禮注隸僕人埽侯道巾車張大侯及參侯
干侯之獲者其受獻之禮如服不也隸僕人巾車於服
不之位受之功成於大侯也不言量人者此自後以及

先可知疏

注釋曰云隸僕人埽侯道者謂君射時初埽
之時亦是隸僕人也云巾車張大侯者舉尊

者而言其參侯干侯亦張之是以上文司馬遂命量人
巾車張三侯此直云大侯舉尊而言也云及參侯干侯
之獲者以其上文已獻大侯服不獲者明知是參侯
侯之獲者可知云隸僕人巾車於服不之位受之知者

以其隸僕人中車素無其位而經云如大侯之禮明就大侯之位受獻是以鄭云功成於大侯也云不言量人者此自後以及先可知者案上張侯之時先言量人後言中車君射之時乃有隸僕人埽侯道及獻先言隸僕人後言中車是自後以及先隸僕而得獻明量人在中車之先得獻可知

卒司馬師受虛爵

奠于篚注獲者之篚獲者皆執其薦庶子執俎從之設

于乏少南注少南為復射妨旌也隸僕人中車量人自

服不而南疏

注釋曰知自服不而南者雖無正文以其受獻於服不之位明繼服不而南可知

服不復負侯而俟○司射適階西去扑適堂西釋弓說

決拾襲適洗洗觚升實之降獻釋獲者于其位少南注

獻釋獲者與獲者異文武不同也去扑者扑不升堂也

少南辟中疏

釋曰自此盡反位論獻釋獲者之事注釋曰言文武不同者以其獻獲者於侯西北

面受獻歸功於此侯是其武獻釋獲者升堂酌酒東面獻之就釋算之所是其文故云文武不同

薦脯

醢折俎皆有祭注俎與服不同唯祭一為異疏

注釋曰俎與

服不同者以其俱用一俎云唯祭一為異者上祭侯之俎引鄉射獲者俎與薦皆三祭鄭鄉射注云祭侯三處至此獻釋獲者不主祭侯止唯

釋獲者薦右東面拜受

一祭肺耳故云唯祭一為異

爵司射北面拜送爵釋獲者就其薦坐左執爵右祭脯

醢與取肺坐祭遂祭酒注祭俎不奠爵亦賤不備禮疏

注釋曰上祭侯之時祭俎不奠爵不備禮至此祭俎亦祭肺不奠爵賤亦不備禮

興司射之西

北面立卒爵不拜既爵司射受虛爵奠于篚釋獲者少

西辟薦反位注辟薦少西之者為復射妨司射視算亦

辟俎也音義

辟俎亦反

疏

注釋曰以其薦俎相將薦既辟俎亦辟可知

司射適堂

西袒決遂取弓挾一个適階西摺扑以反位注為將復

射疏

釋曰自此盡于公如初論司射請公為三番射事

○司射倚扑于階西適

阼階下北面請射于公如初注不升堂賓諸公卿大夫

既射矣聞之可知疏

注釋曰云不升堂賓諸公卿大夫既射矣聞之可知者決前司射升

堂請射于公升今不升者諸公卿大夫前已射聞之矣

○反摺扑適次命三耦皆

袒決遂執弓序出取矢注彛言拾是言序互言耳音義

拾其

疏

釋曰

自此

盡襲

反位

論三

耦與

卿大

夫取

矢之

業反

疏

事注

釋曰

云彛

言拾

者謂

第一

番射

時三

耦云

拾取

矢云

是言

序者

謂序

出次

時三

耦

先後

互者

皆次

序出

次在

庭拾

取矢

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

反次

外西

面位

彛不

言

司射

先反

位注

言先

先三

耦也

司射

既命

三耦

以入

次之

事即

反位

三

耦入

次袒

決遂

執弓

挾矢

乃出

之時三耦次外位舊無位司射雖先有位不得言先反位是以決之
三耦拾取矢如初小

射正作取矢如初注小射正司射之佐作取矢禮殺代

之疏

注釋曰云禮殺代之者決第一番不言小射正作取矢

三耦既拾取矢諸公

卿大夫皆降如初位與耦入於次皆袒決遂執弓皆進

當福進坐說矢東上射東面下射西面拾取矢如三耦

注皆進當福進三耦揖之位也凡繼射命耦而已不作

射不作取矢從初音義

說詩悅反又始銳反

疏

注釋曰云凡繼射命耦而已不作射

不作取矢從初者言凡繼射命耦者前三耦卒射後大夫降至三耦之南西面北上司射東面于大夫西北耦

大夫與大夫命上射曰某御於子命下射曰子與某子射卒遂比衆耦云云至公即席後賓升階復位還筵而後鄉大夫繼射後衆皆繼射釋獲皆如初注云諸公卿言取弓矢衆言釋獲互言也既司射所作唯上耦是此文小射正但作三耦拾取矢公以下亦無若士與大夫作拾文故曰不作取矢從初從三耦法也

為耦士東面大夫西面大夫進坐說矢束退反位注說

矢束自同於三耦謙也疏注釋曰云自同於三耦謙也者以其三耦是士不束既是

大夫若束則異於三耦故云說矢束自同於三耦謙也鄉射坐說矢束注云說矢束者下耦以將拾取彼不言

同三耦者彼三耦揖進坐兼取乘矢興順羽且左還毋耦非大夫故也

周反面揖注兼取乘矢不敢與大夫拾大夫進坐亦兼

取乘矢如其耦北面搯三扶一个揖進大夫與其耦皆

適次釋弓說決拾襲反位諸公卿升就席注大夫反位

諸公卿乃升就席大夫與已上下位音義个古賀反下同疏注

曰諸公卿大夫自為耦者拾取矢在前大夫與士耦者

說矢束拾取矢在後今待大夫反位公卿乃升就席者

以其上大夫與下大夫同是大夫爵但上下

有異耳故上大夫待大夫反位後乃升就席衆射者繼

拾取矢皆如三耦遂入于次釋弓矢說決拾襲反位○

司射猶扶一个以作射如初一耦揖升如初司馬升命

去侯負侯許諾司馬降釋弓反位○司射與司馬交于

階前倚扑于階西適阼階下北面請以樂于公公許注

請奏樂以為節也始射獲而未釋獲復釋獲復用樂行

之君子之於事始取苟能中課有功終用成法教化之

漸也射用應樂為難孔子曰射者何以聽循聲而發發

而不失正鵠者其唯賢者乎音義正音疏注釋曰云請

也者請若天子騶虞九節諸侯狸首七節大夫采蘋士

采蘋皆五節云始射獲而未釋獲者謂第一番三耦射

中時雖唱獲未釋算云復釋獲者謂第二番衆耦皆射

釋算未作樂云復用樂行之者謂第三番射非直釋算

復用樂焉云射用應樂為難者但禮射其容體比於禮

其節奏比於樂又須中於侯名為應樂節云孔子曰者

禮記射義文引之者證
射用應樂為難之意

司射反摺扑東面命樂正曰命

用樂注言君有命用樂射也樂正在工南北面疏

注釋曰云

樂正在工南北面者此時工在洗東西面樂正在工南北面司射在西階下東面經云命樂正者東面遙命之

樂正曰諾司射遂適堂下北面眡上射命曰不鼓不釋

注不與鼓節相應不釋算也鼓亦樂之節學記曰鼓無

當於五聲五聲不得不和凡射之鼓節投壺其存者也

周禮射節天子九諸侯七卿大夫以下五音義

當丁浪反

疏

注釋曰引學記者證鼓得與樂為節之事云凡射之鼓節投壺其存者也者射之鼓節多少無文案今禮記投

壺篇圖出魯鼓薛鼓云取半以下為投壺節盡用之為射節是投壺存者云周禮射節天子九以下者是射人樂師皆有此文引上射揖司射退反位樂正命大師曰之者證射節多少

奏狸首間若一注樂正西面受命左還東面命大師以大射之樂章使奏之也狸首逸詩曾孫也狸之言不來也其詩有射諸侯首不朝者之言因以名篇後世失之謂之曾孫曾孫者其章頭也射義所載詩曰曾孫侯氏是也以為諸侯射節者采其既有弘矢之威又言小大莫處御於君所以燕以射則燕則譽有樂以時會君事

之志也間若一者調其聲之疏數重節音義

數音

疏

注釋

曰云狸首逸詩曾孫也者以其狸首是篇名曾孫是章
頭知者以其射義上文云其節天子以騶虞諸侯以狸
首卿大夫以采蘋士以采芣以類言之騶虞采蘋是篇
名狸首篇名可知射義下文諸侯君臣盡志於射文云
故詩曰曾孫侯氏四正具舉小大莫處御於君所注云
此曾孫之詩諸侯之射節也四正正爵四行也四行者
獻賓獻公獻卿獻大夫乃後樂作而射也上云狸首下
云曾孫曾孫章頭也是以鄭云曾孫其章頭射義所載
曾孫侯氏是也云後世失之謂之曾孫者以曾孫為篇
名是失之云曾孫其章頭也是正世人也云小大莫處
已下則燕則譽以上皆射義文彼注以燕以射先行燕
禮乃射是也云間若一者調其聲之疏數重節者謂九
節七節五節中間相去或希疏或密數中
間使如一必疏數如一者重此樂故也

大師不興許

諾樂正反位奏貍首以射三耦卒射賓待于物如初公

樂作而后就物稍屬不以樂志其他如初儀注不以樂

志君之射儀遲速從心其發不必應樂辟不敏也志意

所擬度也春秋傳曰吾志其目音義

度大各反疏釋曰此經

皆如上第二番射法唯作樂為異耳注釋曰云辟不敏

也者若以樂志不與樂節相應則見君不敏今不以樂

志遲速從心其發不必應樂是辟不敏也引春秋傳者

定八年左氏傳文正月公侵齊門于陽州其時魯人顏

息射人中者退曰我無勇吾志其目也服氏注云志中

其目是非其誠詐以自矜引之者證志是意所擬度也

卒射如初賓就席諸公卿大夫衆射者皆繼射釋獲如

初卒射降反位釋獲者執餘獲進告左右卒射如初○

司馬升命取矢負侯許諾司馬降釋弓反位小臣委矢

司馬師乘之皆如初司射釋弓視算如初釋獲者以賢

獲與鈞告如初復位○司射命設豐實觶如初遂命勝

者執張弓不勝者執弛弓升飲如初卒退豐與觶如初

○司射猶袒決遂左執弓右執一个兼諸弦面鏃適次

命拾取矢如初注側持弦矢曰執面猶尚也兼矢於弦

尚鏃將止變於射也音義乘繩疏注釋曰上文皆云扶

故上注云方持弦矢曰挾以其將射故也此注云側持弦矢曰執謂鏃向上故云兼矢於弦而鏃向上將止變於射也案鄉射禮云矢不挾兼諸弦附不言面鏃此言面鏃不言兼附各舉一邊省文之義言兼弦附者一矢兼弦三矢兼附也

司射反位三耦及諸公卿大夫衆射者皆袒決遂以拾取矢如初矢不挾兼諸弦面鏃退適次皆授有司弓矢襲反位注不挾亦謂執之如司射○卿大夫升就席司射適次釋弓說決拾去扑襲反位司馬正命退福解網小臣師退福巾車量人解左下綱司馬師命獲者以旌與薦俎退注解猶釋也今文司馬師無司馬

司射命釋獲者退中與算而俟注諸所退射器皆俟備

君復射釋獲者亦退其薦俎疏

注釋曰云皆俟備君復射者但射已三番於後

或射或否臣不敢必君不射故備擬於君也云釋獲者亦退其薦俎者前辟薦俎今既退中與算薦俎不可虛留明亦退之可知
○公又舉奠鬴唯公所賜若賓若長以旅于

西階上如初大夫卒受者以虛鬴降奠于篚反位疏

釋曰

此一節論射訖為大夫舉旅之事

○司馬正升自西階東楹之東北面

告于公請徹俎公許注射事既畢禮殺人倦宜徹俎燕

坐疏

釋曰自此盡反位坐論徹俎升坐安燕之事

遂適西階上北面告于賓

賓北面取俎以出諸公卿取俎如賓禮遂出授從者于

門外注自其從者音義

從才用反

大夫降復位注門東北面

位疏

釋曰云大夫降者大夫雖無俎以賓及公卿皆送俎不可獨立於堂故降復位注釋曰云門東北面

位者謂初小臣納卿大夫門東北面揖位案下文賓諸

公卿皆入門東面北上謂在西階下知大夫不復在西

階下位者以其言復位者復前位其西階下舊無位故

知非西階下若然公卿入西階下鄭云諸公卿不入門

而右以將燕亦因從賓者也大夫以公卿

庶子正徹公

未入不可猶居西階故在門東北面也

俎降自阼階以東注降自阼階若親徹也以東去藏音

義

去起呂反

○賓諸公卿皆入門東面北上注諸公卿不入

門而右以將燕亦因從賓司正升賓賓諸公卿大夫皆
說屨升就席公以賓及卿大夫皆坐乃安注臯命以我
安臣於君尚猶踧踖至此乃敢安音義

說土
活反

○羞庶羞

注羞進也庶衆也所進衆羞謂臠肝膾狗臠醢也或有

炮鼈膾鯉雉兔鶉鴛音義

臠音損又才悶反又士戀反
膾音力彫反臠壯吏反炮薄交

反膾古外反鶉

注釋曰

知有臠肝膾者此大射先行

市春反鴛音如

疏

燕禮燕法其牲唯有狗又案內則云

肝膾取狗肝一幪之以其膾濡炙之舉燠其膾不夢注

云膾腸間脂故知此羞中有肝膾也又知有狗臠醢者

以其公食大夫有牛臠炙羊臠炙豕臠炙此燕無三牲

故知臠醢亦用狗知有炮鼈膾鯉者案六月詩云吉甫

燕喜既多受社又云飲御諸友魚鼈膾鯉故知有此也
公食大夫有王事之勞乃有之故六月詩鄭注以吉甫
遠從鎬地來又日月長久今飲之酒使其諸友思舊者
待之又加其珍美之饌所以極勸之也是有王事之勞
乃有之無王事之勞則無故公食大夫不見也又知有
雉兔鶉鴛者公食大夫二十豆有此四者此仍引內則
上大夫二十豆者不引二十豆盡以其二
十豆有三牲之物此徇故唯引此四者

大夫祭薦注

燕乃祭薦不敢於盛成禮疏

注釋曰云燕乃祭薦不敢於盛成禮者此大夫卑不

敢與公卿同時於盛成禮者也

司正升受命皆命公曰衆無不醉賓及

諸公卿大夫皆興對曰諾敢不醉皆反位坐注皆命者
命賓命諸公命卿大夫皆鄉其位也興對必降席敬也

司正退立西序端疏

注釋曰云興對必降席者經直云興不言降席鄭知降席者以為反

坐故知降席也言敬也者決上文司正命賓與大夫以我安雖未坐不云降而對故以此為敬若然上不降席者彼直云安未盡慤慤故不降此命使醉是盡慤慤故興降加敬也知司正退立西序端者案司正監酒此將獻士事未訖亦如鄉飲酒

○主人洗酌獻士于西階上

監旅時立于西序端也

士長升拜受觶主人拜送注獻士用觶士賤也今文觶

作觶疏

釋曰自此盡奠于籩論獻士及祝史等之事注釋曰云獻士用觶士賤也者言獻士用觶對上

獻大夫用觶觶二升觶三升用大者賤用小者尊故云士賤也

士坐祭立飲不拜既爵

其他不拜坐祭立飲注其他謂衆士也升不拜受爵疏

注釋曰上云長謂士中之長次云士謂長已下下云其
他謂衆士者亦謂二十七士以其下經旅食謂庶人在
官故知此非
乃薦司正與射人于觶南北面東上司正
府史以下

為上注司正射人士也以齒受獻既乃薦之也司正大

射正也射人小射正略其佐疏

釋曰案燕禮薦司正與射人一人司士一人執

霽二人此不言其數又不言司士與執霽者二人文不具

辯獻士士既獻者立于東

方西面北上乃薦士注士既獻易位者以卿大夫在堂

臣位尊東也畢獻薦之略賤疏

注釋曰云畢獻薦之略賤者案上獻士立飲是

畢獻訖乃云乃薦司正與射人于觶南是獻士又獻司正已下若然薦士當在乃薦司正上至此言之者其實

薦士在乃薦司正上今此更言士得獻訖立在東方立
畢乃薦不待畢獻司正薦乃薦士也是以薦司正言乃
者緩辭明司正已
下薦在士後也
祝史小臣師亦就其位而薦之注亦

者亦士也辯獻乃薦也祝史門東北面東上主人就士

旅食之尊而獻之旅食不拜受爵坐祭立飲注主人既

酌西面士旅食北面受之不洗者於賤略之也疏
注釋曰知

主人既酌西面士旅食北面受之者以其不可背君南
面授故知位之如此若然大史等亦北面則亦西面授
酒也其小臣師等案上文位
在阼階東南自然北面授
主人執虛爵奠于篚復位

○賓降洗升媵解于公酌散下拜公降一等小臣正辭

賓升再拜稽首公答再拜注賓受公賜多矣禮將終宜

勸公序厚意也今文觶為觶公答拜無再拜疏

釋曰自此盡旅

酌論賓舉爵為士舉旅行酬之事注釋曰云賓受公賜多矣禮將終宜勸公序厚意也者上文為賓為卿為大夫舉旅皆臣自致爵今此其賓為士舉旅行酬因得為賓致爵於君故鄭云序厚意也

賓坐祭卒

爵再拜稽首公答再拜賓降洗象觶升酌膳坐奠于薦

南降拜小臣正辭賓升成拜公答拜賓反位注反位反

席也此觶當為觶音義

觶作觶出注

疏

注釋曰自此已前賓位在西階下東面無

席戶牖之間位則有席此賓升成拜不言降反位明反位者反於戶牖之間席位云此觶當為觶者凡旅酬皆

用解獻士尚用觶故知觶當為觶下經觶亦當為觶

○公坐取賓所媵觶興唯公

所賜受者如初受酬之禮降更爵洗升酌膳下再拜稽首小臣正辭升成拜公答拜乃就席坐行之注坐行之

若今坐相勸酒有執爵者注士有盥升主酌授之疏

注釋

曰知士有盥升者以其為公御大夫使行旅不可不潔知是士者案下文云士有執膳爵者有執散爵者故知士有盥升唯受于公者拜注公所賜者拜其餘則否司

正命執爵者爵辯卒受者興以酬士注欲令惠均音義

令力疏注釋曰云欲令惠均者以堂上呈反疏公御大夫旅徧并堂下之士也

大夫卒受者以

爵興西階上酬士士升大夫奠爵拜士答拜注興酬士

者士立堂下與上坐者異疏

注釋曰云興酬士者決向來堂上相旅皆坐相酬執

爵者行之大夫未受酬者興西階上酬士故鄭云士立堂下與上坐者異也

大夫立卒爵不

拜實之士拜受大夫拜送士旅于西階上辯注祝史小

臣師旅食皆及焉疏

注釋曰鄭知祝史以下皆得旅酬前得獻祝史與旅皆得獻明此旅

酬得獻之可知

士旅酌注旅序也士以次自酌相酬無執爵者

疏

注釋曰云無執爵者對上文卿大夫等有執爵者以其坐故也士無執爵者以其賤不坐故以次自酌以

相酬無執爵者也

○若命曰復射則不獻庶子注獻庶子則正

禮畢後無事音義

復扶又反

疏

注釋曰

獻酬之禮庶子以下

禮畢不得更有射事故命復射在獻庶子之前

司射命射唯欲注司射命賓及

諸公卿大夫射欲者則射不欲者則止可否之事從人

心也疏

注釋曰此乃三番射後爵行無算非直懈怠復有醉者是以不可恣心所欲

卿大夫

皆降再拜稽首公答拜注拜君樂與臣下執事無已不

言賓賓從羣臣禮在上疏

注釋曰云不言賓賓從羣臣禮在上者謂初酬賓直言賓

再舉旅言若長不專於賓已是禮殺第三舉旅云唯公所賜若賓若長至此為士舉旅直言唯公若賓若長賓至此降沒不言賓是賓禮以漸而殺且從羣臣禮在上矣

壹發中三侯皆獲

注其功一也而和者益多尚歡樂也矢揚觸或有參中

者音義

中丁仲反和戶臥反樂音洛

疏

注釋曰上云第二番第三番唯公得中三侯皆釋獲至此

熱後復射禮殺臣與君同是以鄭云和者益多尚歡樂也云其功一也者謂三侯所中皆是功故云一也云矢揚觸或有參中者卿大夫主射參侯士主射紆侯其中或揚觸客中別侯皆與釋

○主人洗升

自西階獻庶子于阼階上如獻士之禮辯獻降洗遂獻左右正與內小臣皆於阼階上如獻庶子之禮注庶子既掌正六牲之體又正舞位授舞器與膳宰樂正聯事又掌國子戒令教治世子之官也左右正謂樂正僕人

正也位在中庭之左右小樂正在頌磬之北右也工在西即北面工遷於東則東面大樂正在笙磬之北左也工在西則西面工遷於東則北面僕人正相大師工升堂與其師士降立于小樂正之北北上工遷於東則陪其工後國君無故不釋縣二正君之近官也內小臣奄人掌君陰事陰令后夫人之官也獻三官於阼階別內外臣也同獻更洗以時事不聯也獻正下及內小臣則磬人鍾人鐸人鼓人僕人師僕人士畫獻可知也庶子

內小臣位在小臣師之東少退西上音義

相息亮反縣音懸別彼列

反

疏

注釋曰云小樂正在頌磬之北右也工在西即北面者工在西謂遷樂於下時大師少師上工立於

鼓北也云工遷於東則東面者案上遷樂於東之時直

云太師少師上工皆東站之東不見小樂正從之明畱在西縣之北東面向工矣云大樂正在笙磬之北左也

工在西則西面者案上文司射東面命樂正單言樂正

者謂大樂正既東面命之則大樂正元立於東矣以其

工在西階下故知西面向之矣云工遷於東則北面者

案上文樂正反位大師既西面明樂正北面可知是以

鄉射工遷於東南西面北上樂正北面立于其南此亦

與彼同北面也云國君無故不釋縣二正君之近官也

言此者人君路寢之是樂縣不釋樂正與僕人正同掌

樂事是君之近官也云同獻更洗以時事不聯也者以

其雖同獻於阼階上獻有前後故更爵洗之是以云時

事不聯也云庶子內小臣位在小臣師之東者案公食
堂上夾北有宰夫內宰在東北此射禮堂上夾北無宰
位則位不得在堂上又非樂人不得在樂正位以其與
小臣師同名小臣故知小臣師之東也又云少退西上
者見公食在宰東北少退故知此亦
少退知西上者以此位皆西上故也

○無算爵注算數

也爵行無次數唯意所勸醉而止疏

釋曰自此盡無算樂論爵與恣意無

數之事

士也有執膳爵者有執散爵者執膳爵者酌以進

公公不拜受執散爵者酌以之公命所賜所賜者興受
爵降席下奠爵再拜稽首公答再拜注席下席西受賜
爵者以爵就席坐公卒爵然後飲注酬之禮爵代舉今

爵竝行嫌不代也竝行猶代者明勸惠從尊者來疏

注釋

曰凡行酬之法轉爵遞飲今膳散兩有宜得即飲猶待

公卒爵乃飲猶代飲然明惠從公來嫌得即飲不代故

必卒爵然後飲

故曰嫌不代

執膳爵者受公爵酌反奠之注燕之歡

在飲酒成其意也疏

注釋曰云燕之歡在飲酒者諸安燕之歡正在於飲酒故受公爵者

更酌反奠於公所擬公更賜爵是其歡燕成之意也

受賜者興授執散爵者執散

爵者乃酌行之注與其所歡者唯受于公者拜卒爵者

興以酬士于西階上士升大夫不拜乃飲實爵注乃猶

而也疏

注釋曰鄭轉乃為而者乃是緩之辭於禮不切故為而也

士不拜受爵大夫

就席士旅酌亦如之公有命徹罍則賓及諸公卿大夫
皆降西階下北面東上再拜稽首注命徹罍者公意殷
勤欲盡酒公命小臣正辭公答拜大夫皆辟升反位注
升不成拜於將醉正臣禮疏注釋曰於例臣於堂下再
拜其拜不成當升成拜今直升不成拜者以其拜於下是臣之正禮故鄭云於將醉正臣禮

士終旅於

上如初注卿大夫降而爵止於其反席卒之疏

注釋曰上文卿

大夫酬辯始酬士公命徹罍公卿以下降而爵止是以卿大夫升反席士以下相酬而卒之

無算樂

注升歌間合無次數唯意所樂音義

間間廁之間樂音洛

○宵則

庶子執燭於阼階上司宮執燭於西階上甸人執大燭

於庭閭人為燭於門外注宵夜也燭燹也甸人掌共薪

蒸者庭大燭為其位廣也為作也作燭候賓出音義甸大

見反閭音昏燹哉約反
字林子弔反共音恭

疏

釋曰自此盡篇終論禮畢容公卿出入之事

賓醉

北面坐取其薦脯以降注取脯重得君之賜奏陔注陔

夏樂章也其歌頌類也以鍾鼓奏之其篇今亡賓所執

脯以賜鍾人于門內雷遂出注必賜鍾人鍾人以鍾鼓

奏陔夏賜之脯明雖醉志禮不忘樂音義

雷力

疏

釋曰

又反案鄉

飲酒鄉射賓出無取脯賜鍾人之事者彼是臣禮此為君法故詳略不同

卿大夫皆出注從

賓出公不送注臣也與之安燕交歡嫌亢禮也疏

注釋曰案

燕義云使宰夫為獻主臣莫敢與君亢禮邠來安燕交歡君若送之是臣與君亢禮故君不送賓也故燕禮注云賓禮記是臣也

公入驚注驚夏亦樂章也以鍾鼓奏之其詩

今亡此公出而言入者射宮在郊以將還為入燕不驚

者於路寢無出入也音義

驚五刀反

疏

注釋曰云驚夏亦樂章也者案周禮鍾師

有九夏皆樂章其中有驚夏如陔夏故云亦樂章也云

以鍾鼓奏之案鍾師以鍾鼓奏九夏鄭云先擊鍾次擊鼓故云以鍾鼓奏之也云其詩今亡者鄭注鍾師云九夏皆詩篇名頌之族類也此歌之大者載在樂章樂崩

亦從而亡是以頌不能具是其今亡云此公出而言入者射宮在郊以將還為入者天子射在虞庠周之小學在西郊棠鄉射記於郊則閭中鄭云諸侯大學在郊是諸侯大射所故言入者射宮在郊以將還為入也鄭知燕在路寢者燕禮記云燕朝服於寢與羣臣賓客燕不合在燕寢故知從路寢也比篇所解多不具者以其諸侯大夫射先行燕禮大射三番多依鄉射是以與禮同者於此不復重釋之也

儀禮注疏卷七

儀禮注疏卷七考證

前射三日宰夫戒宰及司馬射人宿視滌○

臣恂

按此

節疏以宰夫戒為句下九字為句鄉射禮首節疏引此又以宰夫戒宰及司馬為句教繼公則以宰夫戒貫下通作一句

樂人宿縣于阼階東注沽洗所以修絜百物○沽字從釋文疏作姑

蕩在建鼓之間疏今大予樂官有焉○

臣學健

按大予

漢樂官名或本作子者誤

厥明疏故云其為字從豆為形以豐為聲也○

臣紱

按

疏以曲為豐之本字注亦作諧聲詁之而曲字字書未載

大夫繼而東上○教繼公云繼而之下當有西字

臣紱

按小卿在賓西大夫繼之則在小卿之西而席則東上也教說得之

小臣師納諸公卿大夫疏下有小臣正○下監本譌作

小今改正

主人卒洗賓揖乃升○石經及朱子本教本無乃字

更爵洗升酌散以降○教繼公云此亦當酌膳云散誤

也臣紱按上文賓酢主人酌膳此主人自酢于公所

以達公意亦酌膳也教說得之

主人盥洗升媵觚于賓○教繼公云此觚亦當作觶臣

紱按凡酬用觶教說是

疏論主人酬賓之事○酬賓二字監本譌受賓爵三

字今以經并燕禮疏文改正之

賓大夫之右○此下六節舊本合為一節全無注文今依朱子分節并補注至疏則不可復尋矣

主人洗觚○觚監本譌作酬今依石經及朱子本教本改

坐授瑟乃降○授石經作受誤

司正降自西階南面坐取觶升酌散降南面坐奠觶○奠石經及教本作取蓋緣上文坐取觶而混

遂告曰○曰石經作于誤

工人士與梓人升自北階疏則鄉射記長與距隨是也

○鄉射記長四字監本作上文橫三字

臣紱

按上文

既無其文而橫字與下三字不屬考鄉飲記訂正之
長其縱距隨其橫也

疏云午十字謂之○

臣紱

按此倒句法猶言十字謂

之午耳

上耦出次西面揖進疏亦上射在北居右○右監本作

左朱子通解作右從之

臣恂

按次北西面時上射居

右既揖而進上射乃之左

南揚弓命去侯○侯監本譌作俟石經同今依朱子本
楊本教本改正

授獲者退立于西方○教繼公云或言授獲者下當有
旌字

上射降三等○三監本作二石經及朱子本楊本教本
竝作三證之疏文當以三為是

司馬師坐乘之○石經乘之下有卒字楊本敖本同
司射東面于大夫之西北○北石經作比依石經則比
字連下耦字為句朱子本楊本敖本俱作北

下射進坐橫弓䟽取不背君向南為順也○監本取字

下脫不字順字下有故字

臣紱

按經意謂君在阼不

可背之也脫不字則悖矣故字亦當衍

揖以耦左還上射于左○敖繼公云于左當作于右
退者與進者相左相揖還○石經及楊本敖本無還字

司射作射如初○作射之射監本譌作揖今依石經及朱子本楊本教本改正

司射西面命曰注或曰維當為緝○緝監本譌作緝今据考工記訂正與鄉射禮乃張侯節䟽同

賓降取弓矢于堂西○教繼公云此言降而不言升似有闕文

一小射正授弓拂弓○教繼公云授當作受受弓者受于有司也

賓諸公卿大夫之矢皆異束之以茅卒○教繼公云卒
字衍

北面眡算○眡石經及教本作視釋文作眡今從釋文
下經北面眡上射同

東面坐○教繼公云此坐字衍鄉射無之
臣學健按蓋

因下文坐字而誤疊之

司射袒執弓○袒字上石經及楊本教本有遂字

若諸公卿大夫之耦不勝○教繼公云比耦時大夫有

與士為耦者諸公卿無與士為耦者此諸公卿衍文
卒司馬師受虛爵○監本脫師字今依石經及朱子本
楊本教本補

薦脯醢折俎皆有祭○教繼公云折上亦似脫設字

三耦拾取矢如初小射正作取矢如初○三耦監本作
二耦今依石經及朱子本楊本教本改正教繼公云
下一句似衍

搢三挾一个揖進○教繼公云揖進之進當作退鄉射

云揖退是也

諸公卿升就席○教繼公云公卿之下不言大夫文脫耳

司射命設豐實觶如初○教繼公云實觶上當更有設豐二字如鄉射之文此脫

矢不挾兼諸弦面鏃○教繼公云弦字下蓋脫弣字

司馬正升自西階○李如圭云馬字疑衍臣紱按鄉射

此一節亦云司正升自西階李說是

公答拜賓反位○反位上監本脫賓字今依石經及朱
子本教本補

大夫卒受者以爵興西階上酬士疏大夫末受酬者興
西階上酬士○監本作大夫未能受酬者輒興西階
上臣紱按未字蓋末字之譌能字輒字當衍脫酬士
二字則語意不完尋繹經注以此為是

主人洗升自西階疏堂上夾北無宰位則位不得在堂
上○則位不得在堂上監本譌作又按執事者堂上

臣紱按文既不屬而執事者三字亦不倫今尋繹上
下文義以此為是

受賜者興○教繼公云受賜下當有爵字如上篇

唯受于公者拜卒爵者興○教繼公云卒爵之間當有
受字如上篇

儀禮注疏卷七考證

謹案第九頁前二行諸侯之士直特縣刊本特訛
持據毛本改

第十二頁後五行疏以幽為聲也刊本幽訛豐據
注改

第十九頁前四行注賓每先升尊也刊本尊也訛
揖之據宋本改

第二十一頁前二行注辟正主也刊本辟訛君據
宋本改

第二十八頁前二行與立于洗南者二人刊本二

訛三今改

第三十三頁前三行疏其穹隆二十板刊本穹訛

窮據考工記改正

第三十四頁後八行注張幃席為之刊本張訛帳

據宋本改

第四十九頁前五行謂矢至侯不著而還刊本謂

訛為今改

第四十九頁後一行疏鄭司農云刊本農訛晨今
改


第五十頁後八行疏若始焉者刊本始焉訛為始
據注改

第五十三頁後六行疏故云賓降位也刊本降訛
反據注改

第七十一頁前三行疏臣不敢必君不射刊本臣
上行但字射上脫不字今刪增

第七十六頁後一行注而和者益多刊本益訛亦
據疏改

第七十六頁後七行注庶子既掌正六牲之體刊
本既訛即今改正



覆校官編修臣項家達

校對官修撰臣張書勲

謄錄監生臣張虎文